

Yeyi: Bible for Matthew

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matthew

Chapter 1

¹ E buka eyati hweta ezu ku kati kya Jeso Kiresite kwamata kadzera, mwana Davida, mwana Abburahama. ² Abburahama kalindi hana Isaka hape Isaka kali hana Jakowo, Jakowo kali ndishe Juda kushanganisa ni mukurakye, ³ Juda kali ndishe Perezi indi Zera sha Tama, Perezi hana Herozoni, Herozoni hana Ramu. ⁴ Ramu hana Ammidabi, Ammidabi hana Nashoni, Nashoni hana Solomoni. ⁵ Solomoni hana Bozi, Eywa Rahabbi, Bozi hana Obedi, Obedi hana Jese. ⁶ Jese kali hana Davida yee Shikati Davida hana Solomoni shamukaza Uriya. ⁷ Solomoni kalindi hana Rehobboni, Rehobboni shee Abbijani, Abbijani aku paka Asa. ⁸ Asa aku paka Josifati, Josifati hana Joramu hape Joramu, kalinje ndi bamatoti a uzi ⁹ Uzi kalinje mata paka Jota, Jota kali ku paka Ahazi, Ahazi hana Zakiya, ¹⁰ Zakiya kali ku paka Manase, Manase aku paka Amoni hape Amoni akuya ku shemuna Josiya. ¹¹ Josiya kalindi ywi ntazi koku Jokoniya hape Karasite mukurakye, po kwinako iyi ruzuro kwenda ko Bbabbirona. ¹² Kudzwapu ruzuro kwawo e rukadzwa ko Bbabbirona, Jekoniya kalindi shee Shelutalu. Shulitalu kali enjwa katazi koku Zarubbaberu. ¹³ Zarubbaberu kali ndisha Abidi, Abidi kali ndishe Elikimu. Kudzwapo Elikimu kali ndisha Azori. ¹⁴ Azori kali ndisha Zodoki, Zodoki kali ndisha Achimu kudzwapo, Achimu hana Eliudi. ^{15 16 17} Eliudi kali ndisha Eliza, Eliza kali ndisha Matahoni, hape ku dzwapo Mahati ndisha Jakowo. Jakowo kali ndisha Josefa, baa Mariya kwa mata pakuwa Jeso ya mati beruwa Kirisite. ¹⁷ Kudzelira pu rusinga rwa Abburahama ku twara koku Davida kali mburusinga rwa mashumi anee, kudzelira ko Babbilona kurusinga rwa Kirisite rwa wu lyishumi indi tune tu nee. ¹⁸ Ku pakuwa kwa Kirisite kwa taba mwi njira iya tifwana tandi, nyina Mariya mataya kuba murusuno ni murumbwana yama tiberuwa Josefa, kono piri pubahara chire kuba paxiki, kwa kuya ku shangeneha atikya muyima ku mupupo wo muchena ndi wataya kukye mi kwakuya ku shangeneha atikya muyima. ¹⁹ Hape Josefa baakye kali munyana yo muchena mi ama kwene kuswabisisa mwi kyo lya bayeyi, atikya kakwene, ku tikya ali tukiseza ku mushita ka piri-piri ²⁰ Pukali ku yanakanisisa izuto zopa kozo, mwi nako yopa Lyinyiroi lya Shikati lya kuya kulyi mwanahaza kokukye mwi ntoro, Lya ku tikya, " Josefa mwana Davida, siya ku ywapa yisa Mariya atikya i mukazwe, yana moo mokukye mata lyetwa ku mupupo wo muchena. ²¹ Sha pakye umwana hape shani murukye atikya e Jeso yeye eshaya kuyaka abato bakye kuzi bbisa zao. ²² Kozo zopa zata yezahara kwendiliza ni sha mata hweta Shikati kudzelira kuba porofita, atikya, ²³ "Sheni mwene" mughekwa shara tyere hape i shashe mune murumbwana, ishani bera atikya enji ndi Immanuale" yati toroka atikya Urezya ana natswe" ²⁴ Josefa kali ku pasumuka kuturo twakye mi Lyinyiroi lya Shikati lyku murayerera atikya, muyisa indi mukazwa. ²⁵ Kono kakara mu yizire tana pukaru kuya kupaka umwana yu mushimani. Akali ku muruka lina lya Jeso.

Chapter 2

¹ Kudzwa pu Jeso karu ku pakuwa mo Betelehema iya Judeya mumayiba aShikati Heroda, Barwa baba tsauka kudzwa ku wudzero bakuya mo Jelusareme ba kutikya, " ² Ikure ana Shikati a ma Juda yamata pakuwa? Tata mwana zinyata kozo kuwudzero mi taya kuku murapera." ³ Shikati Heroda pukaru kuyuywa akyo, zaku mwiguni, indi Jelusarema nakye. ⁴ Heroda aku lyeta kowo ma purisita ba bakuru indi banoli wa bayeyi, akuba wuza, "Ikure ana Keresite ya mapakuwa?" ⁵ Baku tikya kukye, " Mo Beterehema iya Judeya, zopani ndizata noruwa kuba porofita, ⁶ Cware yewe; Beterehema, mu muvu a Juda, ka mwikyo lyenu ba yendisi ba Juda, kamo kunwe isha mudzwa muyendisi aba yeyi ba Isiraere." ⁷ Cware Heroda kurupati aku bera baba barwa sauka kuya kuba wuza atikya kakanda kare i nyata ya mwanahara. ⁸ Akuba tuma ko Beterehema, atikya, "Nakwenda nika lyaye-lyaye naqa mupundi. Punaka mushangana, nika lyetye lyiyi atikya indimye ndiye ku murapera." ⁹ Pubaru mana ku yuvwa shikati, baka kyita injira awo, mi inyata ibata mwana muwu dzero yakwenda puwuso wawo tana kuya ku yima papa pumupundi karana. ¹⁰ Pubaru ku mwana inyata, bakwidze nanyina. ¹¹ Ba kwenda mwi njuwo ka mwana mupundi indi Maria nyina. Ba kuwa peshi indi ku murapera. Ba kuputurura mi kwatana indi ku mutsipa zi tsipa zi gawuda, indi zati nuka nanyina. ¹² Urezya akuba Chikisa mwi toro awo ku shuka ku Heroda, baku kawu hana ka kyita kumavu awo shizi njira zawo. ¹³ Pubaru kakyita, linyiroi lya shikati lyaku mwanahara ku Josefa mwi toro lyaku tikya, "Tambuka, yisa mupundi indi nyina, mi utire ko Egepita. Uka sikame koo tana pushanda kuku zira, kakuli Heroda shashakye mupundi atikya amu bbure." ¹⁴ Masuku maxiki Josefa aku yisa mupundi indi nyina baka kyita ko Egepita. ¹⁵ Aka sikama koo tana rufu rwa Heroda. Zopa ku yiziriza shi Shikati amata hweta sha ba porofita, "Kudzwa mo Egepita ndata bera mwananga." ¹⁶ Cware Heroda, pukaru ku mwana atikya mapanguwa wubbi kubarwa baba sauka, akwixa nanyina. Aku tuma atikya ku bburuwe kowo bapundi baba nyina mo Beterehema indi zibaka kozo ibana zu mwaka zimbiri, shukwenda shika kanda kubata muzilira barwa baba sauka. ¹⁷ Kwaru ku yizirizwa ishata hwetuwa ku muporofita Jeremia, ¹⁸ "Lyiyi lyata yuvwahara mo Rama, ku lira shulyuro sheshi kuru, Rahere aku lira abana bakye, aku shita kutotuzwa, shuku tikya bamana." ¹⁹ Pu Heroda kali kufwa, nimwene, linyiroi lyaShikati lyaku mwanahara ku Josefa kuturo mo Egepita lya ku tikya, ²⁰ "Tambuka mi uyise mupundi indi nyina nakwenda kulyuvu lya Isiraere, shuku tikya ibaru ku shaka kuyisa wuparo wu upundi kali bafu." ²¹ Josefa aku tambuka, aku yisa mupundi indi banyina, ba kwenda kulyuvu lya Isiraere. ²² Kono pukaru kuyuvwa atikya Arkelausi kali mati para mo Judeya mushi baka sha shee Heroda, aku ywapa kwenda koo. Kudzwa pu Rezya kali ku mukalimera mwi toro, aku siya shibaka sha Galileya. ²³ Aka kyita kuka para mumurenanyi Nazareta. Yopani ku yizireza ishata hwetuwa shaba porofita, atikya isha bweruwe mu Nazarena.

Chapter 3

¹ Muma yiba a Johani Mukorobezi akuya ku kutaza mwi shumwe a Judeya aku tikya, ² "Ni bakye, shuku tikya mu wuso wulyiro wuna shufupi." ³ Ndishata hwetuwa ku muporofita Isaya, aku tikya, lyiyi lyi xiki ilyata shupura mwishumwe, 'Ni shiyamisa injira a Shikati, ni ware makituro akye'." ⁴ Johani pani aku rara ziraro zata tswumuwa pu waya wi mbongolo indi mutsunga ukakabi mushuwuno. Zu lyuwa zakye kali imba ngesi indi zi nyishi. ⁵ Cware Jerusalema, indi Judeya koyo indi raro kozo kuzungura murwanga a Jodani baku dzwara kukye. ⁶ Baku korobezwa kukye mu murwanga a Jodeni, ku bashera zibe zawo. ⁷ Kono pukaru ku mwana uwinji wa Bafalisi indiba Saduki batiya kukye kuku korobezwa, aku tikya, "Nwee abana wu zubbobbuma iyani imani ziri zuku tiya ku ywapa ku munga ikwa tiya. ⁸ Ni bikye zi pata iza tiqe ku baka. ⁹ Nisiye ku yanakana zu ku hweta mwikyo lyenu, 'Tina Abburahama shetu.' Zi ndani ziri atikya Urezya mati kwana ku tambusa abana ba Abburahama ku dzelyira pumawee ngapani. ¹⁰ Kembe kabika kare pu zizi zu muti. Ku tikya kowo muti iwa hati bika zipata zeziqa wu shawirwe peshi nduwi kyamina mu munduro. ¹¹ Ndani korobeza shuka baka. Kono ya matiya mulyuqo una iqumu kundi bbara, ama ndaku kwana nanga ku yisa zi shangu zakye. ndiyi shaya kuni korobeza shumupupo wo muchena indi munduro. ¹² Lyutundu yakye lina mulyanja lyakye kuvuura muyungu indi ku shanganisa zuvuma mushixandi. Ndisha ku pisa muyungu shumunduro wa hati mana." ¹³ Cware Jeso aku dzwa ko Galileya kwenda ku murwanga Jodani kuka korobeza ku Johani. ¹⁴ Kono Johani aku lyika ku muyimika aku tikya "ndati shaka ku korobezwa kuwe, hape yewe, ndukuya kumye?" ¹⁵ Jeso aku muzwara aku tikya, nditi shira papani, ku shiyama ku yiziriza kozo zezi chena. "Cware Johani aku muti shira. ¹⁶ Pukaru kumana ku mukorobeza, Jeso aku pwera ku kakumuka ku dzwa mwami, mi lyiro lyaku muyazu shira. Aku mwana mupupo Urezya wa tiya peshi tandi ukyiri wa kuya ku sikama pwi lyiro lyakye. ¹⁷ Ni mwene, lyiyi lya ku dzwa kwi lyiro lya tikya, "Yopa ndi mwananga indati shaka. Indati dze shakye."

Chapter 4

¹ Jeso mata tumuwa ku mupupo omuchena kwanda mu linkanda kuka lyu kuwa koku Satani. ² Pukali kulyi yi mina zulyuwa shi mayiba ama shumi anee indi masuku anee, matafwa injara. ³ Muliki akuya kukye akuya ku mutyeya atikya," Ati umwana Urezya, zira mawee ngapani ngabe ichira." ⁴ Cware Jeso aku muyaru muna atikya, "shukuru kunwara, muyeyi muqhu kupara ichira chekye kono indi mayi inga tidzwa mu muromo Urezya." ⁵ Nduku tikya Satani aku mutwera mu murenanyi wo muchena kuma menisizi ama yuwo, Aku tikya kukye, " ⁶ Ati umwana Urezya, uwulye peshi, shuku tikya kwata noruwa atikya, mbwazire manyiroyi akye aku baba lyere." Indi kutikya mbonga ku kakwire mwilyiro sha manja atikya makondo aye ngasiye kuli zipa pu mawee." ⁷ Jeso aku tikya kukye, " nangweza siya kwi xyaba Shikati Urezya aye." ⁸ Nangweza satani aku mutwara pwi kakumuko yindee kamwiqe kowo muwuso ulyivu indi wuqa wawo. ⁹ Aku tikya, "koko zopani izuto izinamo ndati kupazo, ati nduwulye peshi ku ndirapera." ¹⁰ Ku dzwapo Jeso aku tikya kukye." dzwa ukwenda kuna shire, Satani! Shiku tikya ku nwara, atikya ukubamere Shikati Urezya aye. ¹¹ Mi satani aku musiya, numwene, manyiroyi ngakuya ku muyaka. ¹² Papa ngaho Jeso pukaru kuyuvwa atikya Johani kali mapatuwa, akudzwa Galileya. ¹³ Akudzwa Nazareta kwenda aka sikama mo Kapenauna, lyina kurupati lyi lyiwate ilya Galileya mumuwuso iwa Zebbulani indi Naphatani. ¹⁴ Chopani ndi shata rasisini ku yiziriza shi porofita sha Isaya shamata hweta. ¹⁵ Lyuvu ilya Zebuluni indi lyuvu ilya Naphatani, shufupi ni lyi wate ku wuso wa Jodani, Galileya iba machaba. ¹⁶ Abato ibata sikama muka rema bata mwana rumwenyi rorukuru, indi barasise muzi baka indi minzire yu rufu kwaku zukuka rumwenyi pumaso awo" ¹⁷ Mukakanda kapa Jeso aku xhitika kwenda ku kutaza, "Nibakye muwuso ulyiro kali waya shufupi." ¹⁸ Pukaru kwenda ku lyuwate lya Galileya, aku mwana banyina babiri, Simone ikaru ku beruwa Pitorosi, indi Andiriasi muzatakye, baru kutyeya kanyandi mulyu wate, papa kali bazyambizi. ¹⁹ Jeso aku tikya kuwo, "Nakuya, nindi qama, yeme mbondini pange bazyambizi ibati yamba bayeyi. ²⁰ Shuku pweraka baku siya tunyandi twawo baku muqama. ²¹ Pu Jeso kali kushera shera aku mwana barwa babiri, Jakowo mwana Zebediya, indi Johani muzatakye. Barana muwoto indi Zebediya shawo karuku tandraura kanyandi. Aku babera, ²² Shuku yangasa bakusiya uwoto indi shawo baku mwiqama. ²³ Jeso akwenda lyuvu kolyo ilya Galileya, kwenda ku ruta mi minzi indi mumaraperero, kuruta lyiyi lyu muwuso indi ku pwelisa matuku-tuku ngama chichana-chichana indi mimashiro mwikyo lya bayeyi. ²⁴ Imbuzakye ya kuyira yira lyuvu lya Siriya, bayeyi baku lyeta kukye kowo ibarana muwuzuwo wa matuku-tuku indi ku masiza, indi barana mi pupo yemibbi ya madimona, iabruku kukutira indi kugogobera. Jeso akuba pwelisa. ²⁵ Uwunji wa bayeyi baku mwi qama kudzwa ku Galileya, Dekapolisi, Jerusarema indi Judeya indiko kyo lya Judeya.

Chapter 5

¹ Pu Jeso karu ku mwana bayeyi babenji, aku kakuka pu lyi rundu. Pwamata kasikama, barutiwa bakye bakuya kukye. ² Aku yashama kuba zira, atikya, " ³ Bana maso ibana peshi mu mupupo, kakuli shichawo muwuso ilyiro. ⁴ Bana maso ibati fwerwa, inkaba katotuzwa. ⁵ Bana maso babawa zidziba, kakuli inkya ba kapewe lyuvu. ⁶ Bana maso babafu injara indi lyinata shukuchena, kakuli shaba puwe zukulya. ⁷ Bana maso ibana kaxumakawo kakuli shiba kara xumuwa. ⁸ Bana maso wi mitima yemi chena, kakuli inkya baka mwene Urezya. ⁹ Bana maso ibati pwelisa wubbi, kakuli inkya baberuwe abana wuRezya. ¹⁰ Bana maso ibati shisizwa wuqa kakuli lyiyo indyawo. ¹¹ Maso ingu muyeyi yamati shandisuwa indi tukuwa indi ku hweta kukye izuto zezibbi zimbuzi shilyi baka lyanga. ¹² Ni radze na nyina, shanika tswupuwe shukuru mu lyiyo. Yopa injira yati fwana bayeyi bata shandisa ba porofita bata para indanzi kunwe. ¹³ Nwee ndu nchwanga ulyivu. Ati unchwanga kali muqu munati, ingahare utyeri kwisi atikya abe unchwanga nangweza? Inkyafwa ngweza kuba naqa kwi chuto kocho tana kumwikyi ngaho muma kondo abato balyatire pakye. ¹⁴ Nwee ndu nchwanga ulyivu. Munzi wa pulirundu kuku yukuwu zika. ¹⁵ Kuqu muyeyi yuku mwenika i rambi ndukuyi cheka rukumbu, tana kuyi bika pukankandara, atikya bayeyi kowo bayi mwene mwi njuwo. ¹⁶ Ni siya rumwenyi rwanu rumwenishire bayeyi mwi njira yopa bamwene zisi zenu zezika mi indi ku kambira Sheenu ya mu lyiyo. ¹⁷ Kanaka yanakana atikya ndataya ku manisa mirawo indi ba porofita. Yemwe ama ndiye kuku zimanisa, kono kuya kuziyi ziriza. ¹⁸ Ndatini zira nanyina atikya lyivu indi lyiyo inkya zimane, tindi muxiki ushawu maniswa ku mirawo, tana izuto kozo ishaza kwi sisini. ¹⁹ Sha zopa kwekye yushu vunja murawo muxiki womuche nanyina indi kwiye akyopa babamwe ankya beruwe yomodana mu muwuso ilyiyo. Kono yushu yibika kapa kwaha yivunja indi ku yiye shaberuwe yomukuru mu muwuso akwi lyiyo. ²⁰ Ndati ku kweshira atikya zisi zenu zezika nakana pusheku bbara zisi zezika zaba noli indi ba Falisi, kamuni shani njene mwi njendisio ilyiyo. ²¹ Nata yuvwa atikya kwata sumushira katanzi, 'Siya ku bbura,' Kwekye ya mati bbura shabe muwuzuwo wukuya turuwa.' ²² Kono ndati nityeya atikya kwekye ngaho yamati menjira mukwakye shabe mu wuzuwo wuku yaturuwa; hape kwekye yamati tyeya mukwakye atikya, paqu shumutu yewe! ana muwuzuwo niba yendisio; hape kwekye yama tikya, 'Umugigi!' ana mu wuzuwo wumunduro mu lyihere. ²³ Ndaku tikya ati matipa ipo aye pwi alutare indi ku yanakana atikya kuna mukwe yana sheshibbi nawe, ²⁴ Siya ipo aye puwuso wi alutare, mi ukwenda injira aye. Piri uka shusize mutima nakye, nduka shuka kuya kutsipa. ²⁵ Upwerakye kayu vana puni shina paxiki mwi njira kwenda kushu kwata, ati shire kwaha kutwara kuba malinda zikanga, malinda zikanga takupa kumuyendisio, tukali shangana mabikuwa mwi torongo. ²⁶ Ndati ku kweshira atikya, umuqu kudzwa moo nakana ishuku mana ku shara marwapa kongo ngu murandu aye. ²⁷ Mayuvu atikya kwata hwetuwa, 'Siya ku shanganwa ni mukazi yahali unjwa.' ²⁸ Kono ndati nizira atikya yamati lyaya mukazi shuku mushashira mu moyo kali mashangana nakye mu moyo. ²⁹ Ati ilyisho lywe lya makhamu lyati ku lyetiza wuzuwo, lyikusamo ulyiki shire nawee. Mi ku shiyama atikya shirama shixiki pumumbiri aye shishinyehe kufitera mumbiri kowo wura kiwa mu lyi here. ³⁰ Ati lyanja lywe lyamankhamu lyati ku kataza lyi tsurako indi kulyiki shire nawee. Mi ku shiyama atikya shirama shixiki pu mumbiri aye shishinyehe ku bbara mu mbiri aye kowo wu yendye mulyi bbimbiri. ³¹ Kwata hwetuwa hape atikya, yamat tsukana ni mukazakye, amupe lyunoro limu tsukana.' ³² Kono ndatikya kunwe kwekye yamati tsukana ni mukazakye, ati kazuwu shashi, mati mupangisa wu shashi. Kwekye yushuka murowura mulyuqo mati ka mupangisa wu shashi. ³³ Hape, nata yuvwa atikya kwata hwetuwa kuba kulyiqo, 'Siya ku kwaka shimbuzi, kono uhwetye ngaho injahamu ku Shikati.' ³⁴ Kono ndatikya kunwe, siya ku kwaka nanga kaxenine, nanga ishi lyiyo shuku tikya masuso Urezya; ³⁵ Nanga ishi lyiyo, kakuli ndima lyaturo akye, kapa sha Jerusalema, kakuli ndumunzi aShikati mukandu. ³⁶ Siya kukwaka shumushoro, shuku tikya amu ku kwana ku hwesa nanga rushishi kapa kusipisa ruxiki. ³⁷ Kono shihweta chee 'I eye, eye; kapa Aaa, aa; kocho shoshu kuru kubbara chopanishatidzwa kuyo mubbi ngaho. ³⁸ Nata yuvwa atikya kwata hwetuwa atikya, 'Ilyisho ni lyisho, indi lyino ni lyino.' ³⁹ Kono ndatikya kunwe, Nisiye ku shitira yo mubbi kwekye. Yamati kwizipa kulipama lywe lya makhamu, zoromuka rupati urumwe. ⁴⁰ Ati kuna yamati shaka ku kuzekisa kapa ku yisa ubbaki aye, umupye indu ukawuso aye. ⁴¹ Kwekye ya mati ku hambereza atikya umu sindi kize shibaka, umusindi kize nanyina. ⁴² Upe kwekye yamati ku rwamba, hape usiye kwahara kwekye yamati shaka ku kalima ichuto kuwe. ⁴³ Nata yuvwa atikya kwata hwetuwa, 'Nishakye ibana puru pati rwenu indi ku twaya yina hati rumarana nakye. ⁴⁴ Kono ndatikya kunwee, ni shakye zira zenu indi ku raperera ibati ni shandisa. ⁴⁵ Nduku tikya niraqho abana ba shenu ya mulyiyo. Kakuli matidzisiza liba lyekye bababbi indi babaqa, ndiku tumina ivura akye baba shiyama indi bahali bashiyama. ⁴⁶ Ati mati suna ngaho ibaku suna, shikya mati shanganapo? Nanga iba tyelisa zizuto zati fwana barasi? ⁴⁷ Ati nikoti tambusa ngaho bakwe, shikya matisi kubbara babamwe? Tananga iwu lyivu bati kwana ku zisi? ⁴⁸ Cware hee nibe baba shiyama, tandi shenu ya kwi lyiyo shali mushiyama.

Chapter 6

¹ Ni mamere atikya ni siye kwisi zisi zenu zezi chena pu wuso wa bayeyi atikya bazi mwene, nakana amuku shaka ku shangana ichimwe ku Shenu yani kwi lyiiri. ² Ushiyaka muyeyi yo muhungwee, tsukana nuku lingura itoro mbita pumaso aye tandi mubatisama ibatilipa mu zinjira zama Sinagogee, atikya bayeyi baba rumbe. Injahamu ndatikya kunwe, kali bashangana izawo. ³ Yewe ushiyaka yo muhungwee, usiye ku tishira lyanja lyee lyimosho kuyiba shilya makhamu lya tisi. ⁴ Atikya ipo aye uyi perwe kurupati. Mi shenu yamati mwana kurupati mbwa kupe. ⁵ "Ushi rapera, siya kuba tandi ibati limwana, shuku tikya ba shaka ku rapera bayi minwe mu mayira ama sinagogee atikya bayeyi baba mwene. Shiku gisiza ndatikya kunwe, kali bashanga izawo. ⁶ Mi yenwe, nishi rapera, ni njene. Ya ziya mumbero miurapere Shenu, yuna ku rupati. Cware Shenu ya mati mwana kurupati mbwa ku share. ⁷ Ushi rapera, usiye ku shushira shushira iza hati yaka tandi wu lyuvu shubarasi, shuku tikya bati yanakana atikya mbwa bayuvwe shamayi awo nga menji menji. ⁸ Cware, ni siye kuba tandiwo, Shenu uyizire izuto kozo zinati shaka kanicire kuzi ringira. ⁹ Cware ni rapere tandi akyani: 'Shetu ya mu lyiiri, lyina lye libe atikya lyichena. ¹⁰ Ka muwuso enu wuye. Zinati yanakana zibe akyo mulyuvu tandi muzina mina mulyiiri. ¹¹ Utiye namushi zu lyuwa tandi mayiba kongo. ¹² Patira zi bbisa zetu, tandi shiti tatira ibati panga wubbi. ¹³ Siya kuti lyeta mushi tyeyo, kono tiyaka kuyo mubbi. ¹⁴ Ati mati patira bayeyi zi bbisa zawo, Shenu ya ku lyiiri indi nwe mbwani patire. ¹⁵ Ati amuku patira zibbisa zawo, indi Shenu kanuni ani patire zi bbisa zenu. ¹⁶ Nishi liyimina zulyuwa, siya ku panga tandi bana pwi njinjo tandi ibalipa, shuku tikya bati nyanisa wuso atikya ba mwanahare ku bayeyi atikya amabalye. Shuku gisiza ndatikya kunwe, kalibata shangana izawo. ¹⁷ Kono yenwe, nishiri yimina zulyuwa, niraxa amazi indi kuywa kuwuso ¹⁸ Atikya kusiye kuqe ku bayeyi atikya naliyiminizulyuwa, tana Shenu yakuru pat; mi Shenu ya mati mwana mukuli ziza mbwani tsipe. ¹⁹ "Nisiye kuli bishira shufumu mu lyivu, muna bapuka ni makarabbeni zati shinya, indi babezi bati bbura nduku yiba. ²⁰ Kwaha, libishira shufumu shenu ku lyiiri, kokuku bapuku ni makarabbeni ingati sinya, koku ku abezi bati bbura nduku yiba. ²¹ I kuna shufumu chwe, ndikuna indi umoya aye. ²² I lyisho ndilyati mwenishira mumbiri. Cware, atikya i lyisho lyee lyina naqa, mu mbiri kowo mbowu yire wucena. ²³ Mi ati lyisho lyee libbi, mumbiri aye mbowu yire wubbi. Cware, mbowu yire ngaho karema. Cware, ati runwenyi runa kuwo karema, karema kapa kakuru atikya? ²⁴ Kuqu yuteri ku bberishira ma shikati abiri, mati kwana ku twaya yuyumwe nduku shaka yuyumwe, nakana akwixi yuyumwe nduku kara ku yuyumwe. Amuku kwana ku bberi shira Urezya indizi tsuwa. ²⁵ Cware ndatikya kunwee, ni siye kubbirayera ni wuparo wenu, shisha nilya indinwe; kapa mu mbiri enu, shishani rara. Kaku tikya wuparo mukuru kubbara zu lyuwa, indi mu mbiri ku bbara zirara. ²⁶ Ni lyaya zi nyini zi lyiiri. Ka zutu lyumu indi ku vuuna indi ku kunga nisa, Kono Shenu ya kwi lyiiri matizi yaka. Kaku tikya yenwee nina butokwa kuzo. ²⁷ I yani kokunwee yuteri ku yekeza atikya akaye kuru kokuna kapa kuyekeza ku wuparo wakye kakace? ²⁸ Shikya shati ni bbiraeza puku rara? Ni yanakane mwendye mwi shumwe, shinga kura. Amanga ku bberika, mi maqu ziraro. ²⁹ Ehee ndatikya kunwee, nanga i Solomon pu shuroo shakye ama rare tandi nwee. ³⁰ Ati Urezya aku cheka mutsodzo, iwati para namushi indi lyakuca nduku wikyama mwati pisa, zi lyare zaku ni cheka, yenwee wi tumero iche? ³¹ Cware siya ku bbiraera ko tikya, 'Shikya shandilya' kapa Shishandi nwaa? kapa 'Shiraro kya shandi rara?' ³² Wu lyuvu basite ni ku shaka izuto zo pani, mi Shenu ya kwi lyiiri ayi zire atikya nati zi shaka. ³³ Kono ni shakye itanzi muwuso i lyiiri indi ku chena kwakye, Mi kozo izuto zopani shazi pewe kunwee. ³⁴ Cware, ni siye ku bbiraera za lyakuca, lyakuca shalyilyi mwene iza lyoo. Lyiba ni lyiba lyina wubbi wa lyoo.

Chapter 7

¹ Siya kuya tura, mi kamuni shuya turuwe indiwee. ² Shi katuro yumati yatura, shuya turuwe indiwee, mi zumatizi ku babamwe, indi kokuwe shazi rasuwa. ³ Siya ku dzisa kataka ikana mwi lyusho lya mbiyaw'ee, kono muku yiba atikya kuna muti mulyilyee i lyisho? ⁴ Ingahare matikya ku mbiyaye, 'Ndisiya ndidzise kataka ikana mwi lyisho lye; Mi muti wuna mulyilye i lyisho? ⁵ Yenwee yu walyipa! Itanzi kusa muti mwi lyusho lyee, mi umwene naqa nduka dzisa tutaka tuna mwa mesho aba mbiya'a wee. ⁶ Siya kupa sheshi chena kuba mbwaa, mi siya ku kya mina wuqa yenwe puwuso wuzu zungu, shiku tikya mbozimane kuzi lyatara, indi ku yaru muka zini xharare tuquu-quu. ⁷ Rungira, mi mbupewe. Shaka, mi mbushangane. Odisa, mi mbuya zwire. ⁸ Kwekye yamati rungira, mati yamuhera; kwekye yamati lyaya, mati shangana; ku muyeyi yamati odisa, mati ya zwira. ⁹ I yani ku nwee, ati mwana kye mamu rungira mukamu, nduku mupa lyiwe? ¹⁰ Kapa marungiri ishwi, nduku mupa i nywaka? ¹¹ Cwrae, ati yenwee ba babbi ni yi zire kupa abana benu zeziqa, ingahare Shenu yakwi lyihiro aha tipa zeziqa ku bati mu rungira? ¹² Cware, kozo zumati shaka atikya bayeyi atikya baku pangire, indiwe ubara samazo, mopani ndi murawo indi shi porofita. ¹³ Ku njena muka njira kaxu. Injira yimwa indi wu kuru yati twara ku rufu, mi abenji bayeyi batiyi twara. ¹⁴ Kono kayira kakaxu kazuwo ikati twara ku wuparo, mi bache ibati ka shangana. ¹⁵ Ni mamere ba porofita wi mbuzi, batiya kunwee muzi raro zizi ngu kono injahamu ku tikya imba mbwaba. ¹⁶ Shani bayibe shizi pata zawo. Kana bayeyi ku xutara muwombo kwi miya kapa zu kuyu ku muti murwezi? ¹⁷ Mwi njira ixiki, muti kowo womuqa wati pata zipata zeziqa, wo mubbi wati pata zezibbi. ¹⁸ Muti wo muqa tishawa kafwa ku pata zezibbi, kapa wo mubbi kupata zeziqa. ¹⁹ Kowo muti iwashati pata zeziqa wati kaka ruwa indi kuwikyi mu munduro. ²⁰ Mi akyopa, shaniba yibe shizi pata zawo. ²¹ Ka kwekye ya matikya kumyee, Shikati, shikat; shaba njene mu muwuso i lyihiro aaa, tana wowo ibatizi zi Tatye ya mwi lyihiro amati shaka. ²² Bayeyi babenji shaba tikya mu lyiba lyopana, 'Shikati, Shikati, atikya amati porofite mu lyina lyee, shi lyina lyee taru ku hindika ma Dimona, shi yina lyee amati rasi izuto zezi kuru? ²³ Ndishanda kuba chekwira purukanda, 'Kandini yi zire! Nidzwe ku myee, nwee ba babbi!' ²⁴ Cware, kwekye yamati yuvwa mayi anga indi kunga bika shabe tandi murwa yamati xhini injuwo akye pu lyiwe. ²⁵ Invura yi shina, inyuu ishiya, mupupowaku shura nduku zipa injuwo, kono amayiwe, yatara xhinuwa pu lyiwe. ²⁶ Kwekye yamati yuvwa mayi anga indi kunga kyeshebisa mati fwana murwa yo mugigi yamatara xhini injuwoakye pulyi zyana. ²⁷ Invura yakuya kuna, inyuu kuya, indi mupupo wa kuya kuzupa injuwo, miya kuwa, yakuyi hwabara." ²⁸ Kwa kuya atikya Jeso aku mana ku hweta mayi ngapa, ilyinji lyaku hakamara shuzu hweta zakye, ²⁹ Karuku hweta nokoti ana iqumu, katandi ba noli.

Chapter 8

¹ Pu Jeso karu kusuka pwi kakumuko, ilyinji lyaku muqama. ² Ni mwene, ywi mbingo akuya kuwa pumaswa akyee, aku tikya, Shikati, ati mati shaka, mati kwana kundi chenisa." ³ Jeso aku wara lyanja lyekyee aku mupata, aku tikya, "Ndati shaka. Chena." Papa ngaho aku chena kwi mbingwa akye. ⁴ Jeso akutikya ku kye, "Mwana siya ku zira muyeyi tindi kaxeninee. Kwenda injira aye, akuliqe kuma purisita, akupe ipo yi Mushe amata hweta, shuwu pakyi kuwo." ⁵ Pukaru kuya koKapenauna, muyendisi akuya ku kyee, ku mukambira ⁶ atikya, "Shikati, mu bberiki anga aranzire ku munzi makukutiri mi ana mu kumashira ku bbi." ⁷ Jeso akutikya kukye, "Mbondiye indi mupwelise." ⁸ Muyendisi aku muyarumuna aku tikya, "Shikati, kandi muchena atikya ukanjene mwi njuwo anga. Hweta ngaho lyiyi mubberiki anga mbwa pwere." ⁹ Indi myee ndu muyeyi yana pu murawo, ndina masore mwishi lyanga. A ku tikya ku yopa, 'Kwenda; aka kyita, yuyumwe, 'Kuya; 'Rasi zopani; aku zisi." ¹⁰ Pu Jeso karuku zu yuvwa, mata hakamara aku tikya kwi bata mwiqama, "Shuku gisiza ndatikya kunwee, Kandi chire ku shangana yamati tishira akyopa mo Isiraele. ¹¹ Ndani zira, uwunji shawudzwa kuwo dzero indi kuw zimino, shaba kabe pwi tafure ni Abburahama, Isaka, indi Jakowo, mu muwuso akwi lyiuro. ¹² Kono abana wu muwuso shabara kiwa mukarema, kushaba kalira." ¹³ Jeso aku tikya ku muyendisi umasore, "Kwanda! Tandi shumati tishira, kube akyopa." Mubberiki akye aku pwara papa ngaho. ¹⁴ Pu Jeso karu kuya mwi njuwo a Pitorosi, aku mwana banyina mino akye baranzire lyi xqhebe laba pata. ¹⁵ Jeso aku pata manja awo, lyixqhebe lyaka kyita. Aku tambuka aku kalyisa ku mubberiki shira. ¹⁶ Pu maxuhumu ngakuya, bayeyi baku lyeta ba banji ba maDimona. Aku hindika koyo mi pupo yemibbi aku pwelisa kowo baru ku mashira. ¹⁷ Shi njira yopani kwaku yizi lyizwa zata hwetuwa ku muporofita Isaya, atikya, "Yeye malyi yisiza matu etu indi zi mashira zetu." ¹⁸ Papa Jeso pukaru ku mwana i lyinji lyamu zunguza, akupa shi hweta atikya bayendye kuru pati rumumwe lyu lyuwete lya Galilee. ¹⁹ Munoli baru kuya ku kyee ba ku tikya, "Muruti, mbondi kwiqama koko ku kwenda." ²⁰ Jeso aku muqha pura, "Ba mbwaba bana maqho, zinyina zina zu yuwo, kono mwana muyeyi muqu pwamati kambilka shushoro akyee." ²¹ Yuyumwe ku barutiwa aku tikya kukyee, "Shikati, nditi shira ndika zikye tate itanzi," ²² Jeso aku tikya kukye, "Ndiqama, siya wafu bazikye bafu bawo." ²³ Pu Jeso karu kunjena mu woto, barutiwa bakyee baku muchera koo. ²⁴ Ni mwene, kwaku zukuka mupupo wamu kuru lyu lyiwate, mani uwoto waku mwanahara ku chekuwa ku makapa. Kono karu ku kwama. ²⁵ Barutiwa bakuya kum tambusa, atikya, "Tiyaka, Shikati; ndufwa kyetu!" ²⁶ Jeso aku tikya kuwo, "Shikya punati ywapa, yenwe wutu tumero totu dana?" Aku yima aku kalyimera mupupo indi lyu wate. Mi baku hakamara nanyina. ²⁷ Bayeyi baku komoka baku tikya, "Murwa ya ngahare yini, yuku tikya mupupo indi lyi wate zatimuyuvwa?" ²⁸ Pu Jeso karu kaya rupati urumwe mu lyuvu lya Gadarene, barwa babiri barana maDimona baku mushangana. Baru kudzwa mwizimba mi baru kukataza nanyina, atikya ku ikaru kutsura injira yopa. ²⁹ Ni mwene, baku shupura kwinje atikya, "Shikya titeri kwisi nawe, mwana Urezya? Maya kukuti mbwilira kalyi chire kuwulya?" ³⁰ Papa zungu zizinji za lyikulya, kashire nana kuwo. ³¹ Ma dimona ngaku dzera kuwuso kutoliya Jeso kanga tikya, "Ati mati hindika, tikyama mu zungu zina." ³² Jeso aku tikya kungo, "Nakwenda!" Ngakuya kudzwa ngakwenda mu zungu; ka ni mwene, kozo zaku shezu muka pwi kakumuko kucchena mu lyuwate zaku fwa kozo. ³³ Ibaru kuzi lisa baku tiya kanjena mu munzi ka zuwura imbuzi kozo, tandi shata rasisini ku barwa barana ma dimona. ³⁴ Ni mwene, munzi kowo wa kuya ku mwana Jeso. Pubaru ku mu mwana, baku murungira ku siya muzawo.

Chapter 9

¹ Jeso aku njena muwato, ku lyuwuka, akuya mu munzakye'e. ² Ni mwene, baku mulyetiza muyeyi yo mukukutira mumbiri aranzire pu lyi checha. Ku mwana ku tishira kwawo, Jeso aku tikya ku murwa yopa," Mwananga igisa. Zibe zwe zapaturwa." ³ Ni mwene, babamwe ibaba noli baku hwetizana mwikyo lyawo, 'Murwa yo matinya zurusa." ⁴ Jeso aku yiba miyanakano awo, aku tikya, "Shikya punati yanakana shibe mwi moyo enu? ⁵ Sheshi tere ichire, ku tikya, zibezwe za patirwa, 'hali ku tikya,' tambuka shukwenda? ⁶ Shazopa shani yibe atikya mwana muyeyi ana iqumu lyuvu i yi kupatira zibe, ..." aku tikya kuyo muku kutira mu mbiri, "Yima, isa lyichecha lye, ukwenda kwi njuwo aye." ⁷ Muyeyi yopa aku tambuka akwenda kwi njuwo akye. ⁸ Pu lyi ywaba lyaru ku mwana zopa, bata ywapa indi kwi dzamina Urezya, yibatapa iqumu ku bayeyi. ⁹ Pu Jesu kalyi tsura papa, aku mwana murwa yamati berwa Mateu asise pwikaraki umusharisi. aku tikya kukye, "Ndiqama." Aku tambuka aku mwi qama. ¹⁰ Jeso karu ku sikama mwi njuwo nuku lya, ni mwene, ba tyerisi indi ba qwezabbi batiya kulya ni Jeso indi barutiwa wakye. ¹¹ Ba Farisi pubaru ku mwana akyo, ba ku tikya barutiwa bakye, "Shikya pu muruti enu matilya ni basharisi indi ba qwezabbi?" ¹² Pu Jeso karuku zu yuvwa, aku tikya, "Bayeyi babaqhi mumu mbiri awo amaba ku shaka zi naka, tana bati mashira. ¹³ Nati swanera kwenda ni ka lyitutye zi ndati toroka: 'Ndati lyopeza zuxuma indi shita bero.' Amandi yere kuya kubera baba chena kuku baka, kono maghezabbi." ¹⁴ Cware barutiwa ba Johani bakuya kukya baku tikya, "Shikya yatswe tati lyiyimina zu lyuwa kono barutiwa wee amaba kulyi yimina?" ¹⁵ Jeso aku zwara, "Kana abana wu muyeyi yamati rpwura bati kwana ku lyira yamati rowura ashina nawo? kono mayiba ishangaye pwisha ya matirowura isha kuku suwa kuwo, mi ishaba lyi yimine zu lyuwa. ¹⁶ Ku njemwa muyeyi yamati bika kagaugau ku shiraro sheshi piya pu shiraro shakare, shuku tikya shikamba shashi khware shiraro sheshi piya. ¹⁷ Nangweza bayeyi amaba ku kwana ku tyera i waine yi mpiya mutu kwatana tushi kabi totu kooro. ba ku kyopa, zikatana zati khwaruka, mi waine yi tyeshire peshi nduku tikya, indi tu katana twati sinyeha, cware, bati bika i waine mutu kwatana totu piya, mi kozo kuti zamameruwe." ¹⁸ Pu Jeso karunku hweta zopani kozoo, ni mwene, kwakuya malinda zikanga akuya kuwa peshi lyakye. Aku tikya kukye, "Mwananga yo mukazi mafu, ukuya yubike lyanja lywee pwi lyiro lyakye, mi kuti apare." ¹⁹ Cware Jeso aku yima aku mwi qama, indi barutiwa bakye. ²⁰ Ni mwene, murwakazi ikaru ku twanga wutuku wuku dziya marwapa shi mwaaka yilyi kumi indi biri akuya mulyuqo lya Jeso aku pata ku shiraro sha Jeso. ²¹ Shuku tikya mata yizira yuyumwe atikya punda ku pata ku shiraro shakye ndati pwara." ²² Kono Jeso aku xhwapuka aku mwana, aku tikya, "mwananga yo mukazi, bani qumu; ku tishira kwe kwaku yaka; murwakazi yopa aku pwe lyusuwa ku dzwa papa ngaho. ²³ Pu Jeso karu kuya mwi njuwo amalinda zikanga, aku mwana ibaru ku wulisa tuworo woro mi i linyinji lyaru ku tolyiya. ²⁴ Aku tikya, "Na kwenda kuna, mukana yo amafwe, kono mati kwama. "kono baku musheka sheka. ²⁵ Pu lyiywaba lyaru dzwera pwenje, aku njena mwikyo aku mukotura shilyanja lyakye, mukana aku tambuka. ²⁶ Imbuzi yopa yiga yaku yira yira zi baka zopa. ²⁷ Pu Jeso kalyi ku tsura kopa, barwa ba biri baba pofu baka mwi qama. Baku dzera ku wuso ku shupura atikya, "Ti yuvura zuxuma, Mwana Davida!" ²⁸ Pu Jeso akaru kuya njuwo, baba pofu baru kuya ku kyee. Jeso aku tikya kuwo, "Nati tishira atikya ndati kwana kwisi zopani? Baku tikya ku kye, Eyee, Shikati." ²⁹ Pu Jeso karu kupata amesho awo aku tikya, "Kube akyopa kokunwe tandi shina ti tishira," ³⁰ Amesho awo ngaku ya zuka. Jeso shuku gisiza mayi aku tikya kuwo, "Ni mwene kukuyamati swanera ku yiba zopani." ³¹ Kono barwa bapa baka kyita mi baka sumuka imbuzi yopa shikiriti kocho. ³² Pu banyana bapa baru kwenda shire, ni mwene murwa yu hati hweta yana mupupo ama dimina aku lyetuwa ku Jeso. ³³ Pu madimona ngaruku dzusuwa kukye, munyana yahara ku hweta aku hweta lyi ywaba lyaku hakamara lya ku tikya, "Zopa kazi chire ku monuwa mo Isiraele!" ³⁴ Kono ba Farisi baru ku tikya, "Yee nduyo muru kuma dimona, nanga kunga hindika." ³⁵ Jeso akwenda mu minzi indi mirenenyi kuyo. Ku dzera kuwuso ku ruta mu msinagoo, kupa wu rumiwa wumu wuso indi kuyaka ibati mashira indi matuku kongo ingati chichana chichana. ³⁶ Pu karu ku mwana lyi ywaba, akuba nika xumakawo, shuku tikya bata ratse indi ku fwana ku shushira mulyiqo. Tandi zungu zozu ku yamatizi lyaya. ³⁷ Aku tikya ku barutiwa bakye, "Ku vuna ukunji nanyi, kono ibati vuna bache. ³⁸ Cware papani ngaho ni kambire ku Shikati uyu ku vuna, akya aka tumine ba bberiki muku vuna kwakye."

Chapter 10

¹ Jeso akubera barutiwa bakye wu lyikumi indi babiri aku bapa iqumu pwi lyiiri lyi mi pupo yemibbi, kuyii kusa, indi ku pwelisa zi mashira kozo indi mi mashiro koyo. ² Pani mana ama apositora ngani. Itanzi, Simoni (ikaru ku beruwa Pitorosi), indi muzatakye Andiriasi; Jakowo iywa Zebedia, Indi Johani muzatakye; ³ Filipi, Batoromia; Tomasi indi Mateu mushalisi; Jakowo mwana Harubeya, indi Tediya. ⁴ Simone ywa Zeriya, indi Juda Isikarioti, yamata muyene kyena ku mubbura. ⁵ Wu lyushumi ni ba biri Jeso aku batuma. Akuba tyeya atikya, "Ni siye kwenda muzi baka imwati para iwu lyivu, Ni siye kanjena mu minza Samariya. ⁶ Na kwenda ku zungu za zimina mwi njuwo a Isilaere; ⁷ mi puna kwenda, ni kutaze kaniti atikya, 'Mu wuso u lyiiri kali waya shufupi.' ⁸ Ni pwelyise bati mashira, ni tambuse babafu, ni chenise wi ngara, ni kuse maDimona. Na pewa ngaho ni pe ngaho. ⁹ Ni siye kuyisa i gauda, silibera, mu zukwama zenu. ¹⁰ Ni siye kuyisa ukyezi mu lwendo lyenu, kapa muramu, kapa tushangu indi chuto ni chuto, mubberiki ana zu lyuwa zakye zati mukwena. ¹¹ Mi kowo murenanyi kapa wunati njena, ni shangane mo yana naqa ni sikame ku kye tana pushana kudzwa mo. ¹² Puna ku njena mwi njuwo, niyi tambuse. ¹³ Ati njuwo ina naqa ikozo enu ibe pwi lyiiri lyayo. Kono ati kandiyo naqa i kozo enu niyi shushire. ¹⁴ Kowo ibahati tishira indi kwi kyekye kumayi enu, nishizwa mu murenanyi kapa munzi yopa, ni kuku munwe ududusa yaku makondo enu. ¹⁵ Shiku gisiza ndatikya kunwe, shakube atikya mirandu a Sodoma indi Gomora shaibe mince kuyi minzi yopa mu lyiba lyi katuru. ¹⁶ " Ni mwene, ndani tumina tandi zingu pakati lyaba mbwaba, nanga ndipakyo nisaakye tandizi nywaka indi ku shiyama tandi makyire. ¹⁷ Ni nyaye bayeyi! Shabani twere ku bayendisi, indi ni zipa mu ma sinagoge. ¹⁸ Shaba ni lyetye puwuso iba tyendisira indi ms shikati shilyina lyanga, ibe wu paki kuwo indi wulyuvu. ¹⁹ Pushe bakuni pata, ni siye ku bbiraera nizi sheni ka hweta, zi shani hweta shani zi pewe puka kanda kapa ngaho. ²⁰ Kanwe ishani hweta kono mupupo a shenu isha wu hweta kunwe. ²¹ Muyeyi isha yaru mushire ku bburaza mu kwakye, ba shemuzi na bana bawo. Abana shaba yaru mushire ba shemuzi kuba twera ku rufu. ²² Shani toyuwe shilyi baka lyi lyina lyanga. Kono yushu dzera ku wuso ku twara mameni sizi, muyeyi yopa shapa lysisuwe. ²³ Bashini shandisa mumunzi yopa, nishosho rushire ku rupati, injahamu ndatikya kunwe, ka muni shani manee mi reneniyi koyo ya Isiraera mwana muyeyi kachire kuya. ²⁴ "Murutiwa ama ku bbura muruti akye, Kuku mutanga yani pu lyiiri lyu mushu yendisira akye. ²⁵ Kuti kwanahara atikya murutiwa aba mbanwe ni muruti akye, ati bati bera umunu injuwo Beluzabele, ingahare baka bera mana abana basikama nawo mwi njuwo! ²⁶ Cware ni siye kuba ywapa, shuku tikya kuku sheshi cheka ishamuni shashi chekuruwe atikya shu mwanahare. ²⁷ Kocho shindati ni zira muka rena nishi hwetye mushikati tyewe, kocho shinda tini chekesiza nishi sumukye pushi thuwo shi njuwo. ²⁸ Ni siye ku ywapa ibati bbura mumbiri mi amabaku kwana ku bbura mupupo. Mi ni yewepe yamati bbura kozo mu lyibimbiri. ²⁹ Kana tushanga mulyero tu biri ku wuruwa shutiki? Kunjemwa ikatiwa peshi kahamuni ayibe Shenu yakwi lyiiri. ³⁰ Tananga zishishi za ku mushoro eni zabaruwa. ³¹ Siya ku ywapa. Unjuwu tokwa kutu bbura. ³² Cware kwekye yamandi hweta ku bayeyi, indi nye shandi muhwetye puwuso wa Tatye ya kwi lyiiri. ³³ Kono yamandi shapura puwuso wa bayeyi, indi nye shandi mushapure puwuso wa Tatye ya kwi lyiiri. ³⁴ "Ni siye kuyanakana atikya ndalyeta ikozo mu lyuvu. Amandi lyetye i kozo, kono Lywanga. ³⁵ Shuku tikya ndaya ka kuwuhana umwana ku she, umwana ushi kazi ku nyina, murwa kazi indi muka mwanakye. ³⁶ Zira zu muyeyi iba tire nawo mwi njuwo. ³⁷ Yama tishaka shee kapa nyina nanyina amakundi rukyera; yamati shaka abana bakye kundi bbura amaku ndi rukyera. ³⁸ Yahati kotura Shifapano shakye indi kundi qama amaku rukyera. ³⁹ Yeye yamati baba lyera wuparo wakye. Kono yamati sinyeharwa wuparo wa kye shamywe shawu shangane. ⁴⁰ "Yamani tambura imye ama tambura, mi yamandi tambura matambura yakandi tuma. ⁴¹ Ya mati tambura mu porofita shuku tikya mu porofita mbwa pewe ipu uwu porofita, yeye yamati tambura muyeyi yomushiyama shuku tikya mushiyama sha shangane ipo yu muyeyi yomushiyama. ⁴² Kwekye ngaho yamatipa bapa babadana ami ingati totura shuku tikya murutiwa anga, izi njahamu ndatikya kunwe, kamuni sha sinyehere shipewa shakye.

Chapter 11

¹ Kwa kuya atikya pu Jeso karu ku mana kuzira barutiwa bakye wu lyi kumi indi babiri, akudzwa kuwo kwenda kuka ruta indi kakutaza mi minzi. ² Papa pu Johani karu kuyavwa zisi za Jeso mwi torongo, aku tumina lyi shaba rutiwa bakye, ³ aku tikya kukye, "I wee ikaru kuya, kapa tilyaye urwezi?" ⁴ Jeso akuba zwara atikya, "Na kwenda nika zire Johani zina monu indi kuyuvwa. ⁵ Baba pofo mati mwana, zihwere za tyenda, wi mbongo bachenisuwa, baba poro bati yuvwa nangweza, bafu bata mbuswa ndiku pewa wuparo nangweza, wurumiwa wa zirwa ku baba hongwe. ⁶ Imbuyoti inju muyeyi kwekye indahara panga shibbi." ⁷ Barwa bapa baka kyita zi njira zawo, Jesoaku akuxhitka ku hweta za Johan ku lyiywaba, "Shikya mata chinga mulyi haraupha ka mwana-mupupo wati nyangasa mubbu?" ⁸ Kono shikya mata chinga penji kuka mwana- murwa ya marara zi raro zezi twere - twere? Injahamu, iba raro zezi twere - twere bati para mu mayuwo ama shikati. ⁹ Ta shikya mata chinga pwenji ka mwana - Mu porofita? Eee, ndatikya kunwe, ku bbara mu porofita. ¹⁰ Yopa ndiya mata nera izakya, 'Mwana, ndati tuma bayeyi puwuso wee, ikaku panga injira piri yewe. ' ¹¹ Injahamu ndati kya kunwe, kwibata pakuwa ku mukazi kuqu yo mukuru kubbara Johani Mukorobezi. Muyeyi yomu bbibbirukwe nduyo mukuru mumu wuso i lyi. ¹² Kudzwa ku mayiba Johani ku lyeta apani, muwuso ilyi wati shanda ku wu hapana, mi bayeyi baba hapana bati yisa shuku kaka tiza. ¹³ Kowo ba porofita indi mirawo zata poroftwa tana Johani; ¹⁴ ati mati shaka kuzi tishira, i Elija ikaru kuti aye. ¹⁵ Yana mati ukuyu ayuvwe, ni musiye ayuvwe. ¹⁶ I kushikya ndaku fwenisa rusinga ropani? Tandii bapundi batiki ku mi sika, basise kalitili bera = bera ¹⁷ mi ndiku tikya, 'Taku zipiri tungo, amu zane. Taku yimbiri ruyombo, ruku lyira amu lyire. ¹⁸ Johani amayere ku lya mikamu indi kunwe i waine, baku tikya, 'Ana ma dimona.' ¹⁹ Mwana muyeyi mataya ku lya indi ku nwa baku tikya, 'lyaya, muyimizi hape shidakwa, mbiya aba shalyisi indi bababbi!' Kono yo mu sauka mati chenisuwa shizisi za kye." ²⁰ Jeso aku xhikika ku kalimera murenanyi muzi sisini zezi kuru zata pangahara, shuku tikya amaba bake. ²¹ "Manguwe yewe, una wu shwamana yewe Korozani! Manguwe yewe, Betsaida! Kambe zi makazo zezi kuru zata pangahara mo Taire indi Sodoma izata rasisini kunwe, kambe bata baka kuzi raro za masaka indi mutwee. ²² Murandu a Taire indi Sodoma shayi chepe mu lyiba lyama menisizi kuni bbara. ²³ Yewe, Kapenauna, mati yanakana atikya shuku lyisuwe ku lyi? Yemwa, shulyetuwe peshi pwi zimba. Ati mo Sodoma ndimwatara sisini zi makazo zata rasisini mokunwe, ni zata karapo akyopa tanamushi. ²⁴ Kono ndatikya kunwe ishakube wutwere-twere mu lyuvu lya Sodoma kuni bbara." ²⁵ Pu kakanda kapa Jeso aku tikya, "Ndati ku rumba, Tatyee, Shikati ulyi indi lyuvu, shuku tikya zitaba zwee mata zizishira baba sauka i bati yuvusisa, uku ziyera abana wee babadana. ²⁶ Eee, Tatyee, shazopani zati dzekawo amesho aye. ²⁷ Izuto kozo zata pewa ku mye ku dzelyira ku Tatyee; mi kuku yuyizire umwana tana Shee; mi kuku yuyizire Shee tana umwana mi tana kwekye ngaho yu mwana ama shara atikya amu yerezo. ²⁸ Nakuya kumye, kwenu naratse inina miziyo ye miremu, mbo indi nipe kutsutsu ruka. ²⁹ Ni yise ujokwe anga indi kulyi tuta kumye, shuku tikya ndina muxhumakawo indi umoyo yo muxamu - xamu, mi kuti ini shangane mi pupo enu kutsutsu ruka. ³⁰ Ujokwe anga mupuba indi miziyo anga mupuba."

Chapter 12

¹ Kakanda kapa Jeso pukaru kwenda lyiba lyi Sabata aku kyityira injira uruwa. Barutiwa bakye bata fwa injara, baku xhitika kuvunja zu lyuwa kaba tilya. ² Ba Falisi baku ba mwana, baku tikya ku Jeso, "Mwana, barutiwa wee batisi zahali ndizo mu lyiba lyi Sabata." ³ Kono Jeso aku tikya kuwo, "Amani bare shi Davida amata rasi pukaru kufwa injara, indi barwa barana nakye?" ⁴ Mata yenda mwi Urezya akalya mikamu zarana mo, kalyi wubbi atikya azilye indi barana nakye, konokalyi iza ma purisita ngaho. ⁵ Ama nibare mu murawo atikya rwi Sabata ba purisita mwi kereke amaba ku panga naqa i Sabata kono baku murandu? ⁶ Kono ndatikya yomukuru kubbara i kereke yini. ⁷ Kambe ni yizire shanda tarusa, 'Ndati shaka rusuno ka shitabero; kambe amani zire wu lyuvu. ⁸ Mwana muyeyi i Shikati ya rwa Sabata." ⁹ Jeso aku dzwa po aka kyita mu minzi awo. ¹⁰ Nimwene, kwarana murwa ikali mu hwere lyanja. Ba Falisi baku wuza Jeso, atikya, "Kana wushiyama ku pwelyisa rwi Sabata?" atikya bamu pambikye atikya mapanga shibe. ¹¹ Jeso aku tikya kuwo, "Iyani muyeyi mwikyo lyenu, yeye, ana ngaho ingu i xiki, ati ngu yopa ya wulyi mulyuqho mulyiba lyi Sabata, mbukayi kuse mo kapa mboyise mo? ¹² Ishuwu tokwa inombe kapa umut, cware, muyeyi hali ingu! Ehehe wuqa kupanga wuqa rwi Sabata." ¹³ Mi Jeso aku tikya ku murwa, "Wara lynja lyee." Aku wara, mi lyaku shushira mulyara rana mina, tandi lyilyimwe lyanja. ¹⁴ Ba Falisi bakwenda kwinje kabati hweta kukye. Baru ku shaka shubaku mubbura. ¹⁵ Jeso pukarun kumana ku panga zopa, aku dzwa kuwo. I lyiywaba lyaku mwiqama, aka ba pwelyisa kawo. ¹⁶ Aku bazira tikya basiye ku muyibahaza kuba bamwe, ¹⁷ atikya ziyi zurizwe zata hwetuwa ku mu porofita Isaya, akya, ¹⁸ " Mwana, mu bberiki anga yindata shara; indati shaka, shakye mupupo anga wati chutuka. Ndakya ndibikye rupupo lyanga pwi lyiuro lyakye, shazire wu lyuvu zati yaka. ¹⁹ Kamuni sharwene kuku kushupura; kwekye yushu yuvwa lyiyi lyakye muzinjira. ²⁰ Ka muni isha vunjilire kataka kakanxe kare, kamuni isha mwenikye rumweni rushu tsukura, tana pushi wuqa pusha waku kwama wubbi, ²¹ Shicaba shi sepe ku lina lyee." ²² Yo mupofu indi wuporo akuya, yana ma dimona, aku lyetuwa ku Jeso. Aku mupwelyisa, atikya muyeyi yo mupofu indi wuporo aku hweta indi ku mwana. ²³ Lyi ywaba kolyo lyaku hakamara baku tikya, "Atikya to murwa yopani i mwana Davida?" ²⁴ Kono ba Falisi puba rukuyuvwa zisi za kye, baku tikya, "Murwa yopa mati hindika mu pupo yemibbi shilibaka lya Belushazaba, yo muku ywa ma dimona." ²⁵ Kono Jeso kara yi zire kare zubarua ku yana mi aku tikya kuwo, " Kowo muwuso iwatitsukana pakati kulyi rwesa, kapa minzi idi mirenenyi iyati lyirwenisa, njuwo kapa munzi kulyi rwesa kamuni shawu gipe. ²⁶ Ati Satani mati hindika, mati lyi rwenisa ye haline. Ingahare hee muwuso akye waku gipa? ²⁷ Mi ati ndati hindika ma dimona sha Belushaza, isha yani abana benu bati hindika hee? Shilyi baka yopa shababe baya tulyi benu. ²⁸ Kono ati ndati hindika ma dimona shimupupo Urezya, muwuso wu Rezya waya puliyuro lyenu. ²⁹ Ingahare muyeyi akuya kunjena mwi njuwo yu murwa yomugi ku yiba iziba za kye ama ku kalyera ku shimina yeye amana. Nda kuyiba iziba zakye mi njuwo akye. ³⁰ Yomuku namye mandi rwenisa, yahati kunganisa namye mati qhambara. ³¹ Cware ndatikya kunwee, shibe kocho, indi ku nyazurusa zati patirwa muyeyi, kono kurwenisa mupupo wo muchena tishaha kafwa ku patirwa. ³² Nanga ndipa kyo, ku renisa Mwana Muyeyi, yopa ku paturwa. Kono ku rwenisa mupupo wo muchena, chopu tishasha kafwa ku paturwe, nanga mulyuvu yopani, hali lyatiya. ³³ Panga muti naqa indi zipata za tyeni wuqa, hali panga muti naqa indi zi pata za teni wuqa, muti wati yibahara shizi pata zatyeni. ³⁴ Kakuli nwe abana ba bayeyi ni babbi, ingahare naku hweta zeziga? Kakuli zi poro zenu zati hwetisa izuto izati dzelyira ku mitima enu. ³⁵ Muyeyi yomuqa kumu tima akye wo wuqa mati dzisa zeziga, yomubbi kudzelyira ku moyo yo mubbi matidzisa zezibbi. ³⁶ Ndatikya kunwe mu lyiba lyikaturu bayeyi sheba zekisizwe lyiyi ni lyiyi lyelyiku ituso lyumata hweta. ³⁷ Sha mayi enu shani panguwe babaqa hape shamayi enu shani shani shinyehe." ³⁸ Kakanda kapa banoli indi ba Falisi bakwi taba Jeso baku tikya, "Muruti, tati shaka ku mwana zi makazo kuwe." ³⁹ Kono karu kuba qhapura atikya, rusinga rorubbi indi wushashi bati shaka izige. Kono kuku zindaku niqe tana zi mu porofita Jonasi. ⁴⁰ Jonasi pukararana mayiba atatu indi masuku atatu mu wura wishwi yi kuru, akyopa mwana muyeyi shayise mayiba atatu indi masuku atatu mu wura wulyuvu. ⁴¹ Murwa ya Nenive shayime mu lyiba lyi katuro ni rusinga rwaba yeyi baya turuwe. Tabata baka kuwu kutazi wa Jonasi, mi shaba mwene, yo mukuru kubbara Jonasi maya. ⁴² Shikati yu mukazi shatambuke ku dzwa mbowera pwi katuro nabana bakye mi ibaya yaturuwe. Mati kadzwa kuma menisizi ulyuvu kuya ku yuvwa wu sauka wa Solomoni, indi kuya mwana, yuyumwe yo mukuru kubbara Solomoni maya. ⁴³ Pu mupupo wo mubbi waru kudzwa ku yeyi yopa, waku tsura mundumu ku lyaya shibaka shuku tsutsuruka, kono amashi shanganehe. ⁴⁴ Wa kutikya, 'Ndati shuka kwiwo anga kundata ka dzwa; puwaru ku shuka, waka shangana atikya shibaka shachenisuwa indi ku bikuwa naqa. ⁴⁵ Wati shuka ndikayisa yiyimwe mipupo ye 7 ku wubbara ku wubbi, yatiya kunjena ndukupara moo. Mamenisizi umuyeyi yopa ndukuba ngamabbi kubbara katanzi. yatiba akyo ku bayeyi wurusinga ropa." ⁴⁶ Pu Jeso karu kushi hweta ni lyiywaba, ni mwene, ba nyinaindi bazatu bakye bakuya ku yima penji, ku shaka ku hweta ku kyee. ⁴⁷ Yuyumwe aku tikya kukye, "Lyaya ba nyoko indi bazatuwe bayimine

penji ba shaka ku hweta nawe." ⁴⁸ Kono Jeso akumu zwara yamata hweta kukye, "Mango ndiyani indi bazatu wanga imbani?" ⁴⁹ Aku wara lyanja lyakye kuba rutiwa bakye aku tikya, "ni Mwene, bani ndi bama indi bazatu banga!" ⁵⁰ Kwekye yamatisi zi Tatye amati shaka ya mu lyiuro, ndimu zatanga indi maa."

Chapter 13

¹ Mulyiba yopa Jeso aka kudzwa aka kyita kurupati ru lyiwate aka sikama. ² Lyi ywaba lyaka muzunguza, akunjena muwuto aku sikama lyi ywaba lina pudzwo. ³ Jeso aku hweta izuto zizinje shuzi nguli. Aku tikya, "Ni mwwene, Mulimi mata yenda kuka kuna zitanga. ⁴ Pu karu kukuna, zizimwe zitanga za kuwulya kuru pati rwi njira, zi nyini za kuya zakuyi lyaa. ⁵ Zizimwe zitanga za kuwulya mu mawee, kopa kalyi kuku muvu wumunji. Papa ngaho yaku mena shuku tikya muvu ingwa pwi lyiuro. ⁶ Kashe kakuya, shuku tikya zizi zufupi, zaku piya. ⁷ Zi zimwe za kuwulya muma zuna. Pumavu ngaru ku kura ngaku kura nazo. ⁸ Yiyimwe ya kuwulya mu muvu wo muqa mi zakubika zipata, zi zimwe zaku bika 100, zi zimwe 80, zi zimwe 60. ⁹ Yana mati, ayuvwe. ¹⁰ Barutiwa bakuya ku tikya Jeso, "Shikya pumati hweta ku lyiywaba muzu nguli?" ¹¹ Jeso akuba zwara atikya, "Yenwee nata pewe kuyiba zuku nuto indi ku yuvusisa zi lyiuro, kono wowo amaba pewe. ¹² Yana ichuto shaye kye zuwe, ku shangana zizinji. Kono yomuku, tananga icha sitey shaya nguwe. ¹³ zopani ndizati lyata atikya ndu hwetye nawo shuzu nguli: Nanga ndiba hati mwana, amaba ku mwenisisa; nanga nduba ti yuvwa, amaba ku yuvusisa. ¹⁴ Kokuwo shuporofita sha Isaya shati yizi rizwa, isha tikya, 'Ku yuvwa shani yuvwe, kono kamuni shani yuvusise; ku mwana nati mwana kono ka muni shani mwenisisa. ¹⁵ Shikutikya imeyo abayeyi ya sipa, wuzuwo kuyuvwa, mi bavuru mata, atikya amesho awo ngasiye ku mwana, kapa mitima awo kuyuvwa, baku yaru muka, shandi ba pwelise.' ¹⁶ Lyina imbuyoti i lyisho, lyati mwana; indi lyiti, lyati yuvwa. ¹⁷ Injahamu ndatikya kunwe ba porofita babenji indi baba chena babanji bati shaka ku mwana izuto zinati mwana zubati mwana. Bati shaka ku yuvwa izuto zinati yuvwa zubati yuvwa. ¹⁸ Ni rakyekye inguli umu lyumi yamata kuna zitanga za kye. ¹⁹ Kwekye yamati yuvwa mayi umu wuso kokno ama ku kayuvusisa, yo mubbi maya kuyisa ishata kunuwa mu mutima akye. Yopa ndizi tanga zata kunuwa kuru pati rwi njira. ²⁰ Ishata kunuwa mu machwee muyeyi yamati yuvwa lyiyi mi papa ngaho ndulyi pambura shukwi dze, ²¹ Ehee mi muku zizi kukye mi matisikama ngaho kaxenine. Wuzuwo indi mashando ngashinjena shu lyiyi, papa ngaho ndukuwa. ²² Ishata kunuwa mumavuna, muyeyi ya mati yuvwa lyiyi, kono ashi bbiraera ni lyuvu mi zu tsuwa zi shiya nduku yemburuka, ndukuba yomuku zi pata. ²³ Zitanga zata kunuwa mu muvu wo muqa, yopa muyeyi yamati yuvwa lyiyi indi ku lyi yuvusisa. Mati bika zi pata indi kulyeta zuvuma, kubbara 100, umuwme 60, umumwe 80 kwenda shinata kuna." ²⁴ Jeso akupa yiyimwe inguli. Aku tikya, "Muwuso ulyiuro wati fwana tandi mulyimi yamati kuna zatanga zeziqa mwi fuba akye. ²⁵ Bayeyi puba ranzire, yamu twaya ndukuya ku kunamo kalyiri-lyiuro muma bere akye ndika kyita. ²⁶ Zushikura ndu mwanahara ndibika zipata kono nduba ipupu tinzi. ²⁷ Muvuya umunu ifuba akuya ku tikya kukye? 'shikati anga, amu kunwe zitanga zeziqa mwi fuba aye? ingahare pukwati shanganeha kalyuro lyiuro?' ²⁸ "Aku tikya kukye, 'Yandi twaya mazisi.' ²⁹ "Muvuya aku tikya kukye, 'Matishaka atikya takyenda kuse?' ³⁰ "Umunu ifuba akutikya, 'Yemwa. Shuku tikya panaku kusa kalyiuro lyiuro tanaku kusa indi mabere. ³¹ Nizi siye zikure paxiki tana puku vuna. Pushata ku vuna shandi zire bati vuna, 'Ni kalyere kudzisa ka lyuro lyiuro ni kashi minwe tuqa atikya tikazi pise, ndina kunganisa mabere nibike muzi xandi.'" ³² Jeso lyeta inguli yi yimwe kuwo. Aku tikya, "Muwuso akwi lyiuro wati fwana muyeyi yamati kuna itanga yiqi mufuba akye. ³³ Itanga yopa ndiyiche kuzi tanga kozo. Kono yishi mena, yati kura kubbara zi vuna za mwi fuba. Ndukuba muti, mani zini zatiya ku pangira mo zu yibo." ³⁴ Jeso akuba zira yi ymwe inguli. "Mu wuso lyiuro wati fwana tandi mukazi yamati ruba i furawa tana koyo puya ku zimba." ³⁵ Izuto zopani kozo Jeso matazi hweta kulyi ywaba muzu nguli; kozo zikaru ku hweta kali zu nguli. ³⁶ Zopani kozo atikya izata hwetuwa kozo shaba porofita zibe izi njahamu, "Mbondi ya shame shuzi nguli. Shanda ku hweta izuto izata zukuwa ku dzwa kwitanzi ulyuvu." ³⁷ Jeso aku siya lyi ywaba aku njena mwi njuwo. Barutiwa bakye bakuya ku tikya, "Ti toroshera inguli uka lyiuro lyiuro mwi fuba." ³⁸ Akuba ya rumuna atikya, "Yeye yamati kuna zitanga zeziqa i mwana muyeyi. ³⁹ I fuba lyuvu; mi zitanga zeziqa, bapa abana wulyiuro. Ka lyiuro lyiuro abana ya yumubbi, ⁴⁰ Shira ishazi kunu i satani. Ku vuna mamenisizi ulyuvu, bati vuna manyiuroi. ⁴¹ Cware, pu kalyiuro lyiuro kati kunganiswa nduka pisa mu munduro, kasha kuba kuma menisizi ulyuvu. ⁴² Mwana muyeyi shatume manyiuroi akye, kakunga nisa izuto kozo zezibbi indi zata panga wubbi. ⁴³ Shibakazi kyamina mubbibbiro umu nduro, kopa kushaba shupura indi ku lyira. ⁴⁴ Baba chena shabaku mwenika tandi lyiba mu wuso a Tatie. Yeye yana mati, musiya a yuvwa. ⁴⁵ Mu wuso akwi lyiuro wati fwana tandi shifumu sheshi zika mwi fuba. Muyeyi kushi shangana nduku shizika. Shuku radze ndukwenda, ka wulyisa kozo zasitye ndikuya kuwura i fuba. ⁴⁶ Nangweza mu wuso wakwi lyiuro watifwana muyeyi mati shaka ichuto shuwu tokwa. ⁴⁷ Ashi shangana shixiki shuwu tokwa, ndika wulyisa zutsuwa za kye ndukuya ku shi wura. ⁴⁸ "Nangweza muwuso ilyiuro wati fwana tandi kanyandi kubara kyamina mu lyuwate, nduku pata izuto zati chichan chichana. ⁴⁹ Kashi yira muyambi ndukuya kuka puta puta nduka kweshira pu lyudzo. Ndukuya kusikama kutwapara zeziqa katibika, zezibbi ndukwikyi. ⁵⁰ Shakube akyopa ku mamenisizi ulyuvu. Manyiuroi shangaye ku sharara bababbi kubaba shiyama. ⁵¹ Shabayi kwi kyiwa mulyi bbibbiro lyu munduro, muba ku shupura indi ku lyira. ⁵² Tanati yuvusisa

izuto kozo?" Barutiwa baku tikya kukye, "Eyee."⁵² Jeso akutikya kuwo, "Cware kowo banoli batiba barutiwa ku muwuso u lyiuro bati fwana tandi murwa yana injuwo, yamati kusa izakare ndiku bika zezi piya."⁵³ Pukwaru kukita atikya Jeso kali mamana ku hweta zu nguli zopa, akudzwa pushibaka chopo.⁵⁴ Jeso aku njena mushi kiriti shakye aku ruta bayeyi mu masinagogee. Zi nepo kutikya, bata komoka baku tikya, "Zini ikure amati shangana Wutali wopa indi zi makazo ikure zatidzwa?"⁵⁵ Yopa kandi mwana shuku beya? Kaku tikya nyina ndiya mati beruwa Mariya? Bakuru bakye ka Jakowo, Josefa, Simoni indi Judasi?⁵⁶ Kaku tikya indi baqhwenwe bakye tina nawo? Ikure ama shangana zopani kozo?"⁵⁷ Baku katazwe kukyee. Aku tikya kuwo, "Mu porofita kamu porofita mulyuvu lyakye kapa kuba kwakye."⁵⁸ Ama pange i makazo shukwaha tishira kawo.

Chapter 14

¹ Mu kakanda kapa, Heroda aku yuvwa imbuzi a Jeso. ² Aku tikya ku bavuya bakye, "Yopani i Johani Mukorobezi; maka tambuka kuba fu. Cware ndipwa tika dzwelyira i qhumu akye." ³ Shuku tikya Heroda mata pata Johani, indi ku mushimina, aku mubika mwi torongo, sha Herodiasi, mukaza muzata kye Filipi. ⁴ Shuku tikya Johani mata tikya ku kye, "Kawu shiyama atikya umuyise atikya abe mukazwe." ⁵ Heroda mata tikya amu bbure, aku ywapa bayeyi, shuku tikya bati muyisa atikya muporofita. ⁶ Kono pu lyiba lya Heroda lyukupakuwa lyaru kuya, mwana Herodiasi akuya kuzana naqa pwi lyinji mi kwi dze kawo Heroda. ⁷ Muku muzwara, akuli shimina atikya mbwa pewe kocho ngaho shikaku rungira. ⁸ Pukaru kumana ku mana ka zirwa kuba nyina, akutikya, "Ndipa kuni, mushiqo, Mushoro a Johani Mukorobezi." ⁹ Shikati aku tsuka mutima shiza mata rungira, shuku lyishimina kwakye indi babarana nakye puzu lyuwa za maxuhumu, aku hweta atikya zi pangahare. ¹⁰ Aku tishira kutsura mushoro a Johani mwi torongo. ¹¹ Mushoro waku lyetuwa kukye mushuqo aku wuyisa kuwu twera ba nyina. ¹² Barutiwa bakye bakuya, kuyisa shutupu indi shizika. Puzaru ku mana, bakwenda kuka zira Jeso. ¹³ Papa pu Jeso karu yuva zopa, aku dzwa muwoto aka lyi kytira mwi shumwe. Pu lyiywaba lyaru ku yuvwa, baku mwi qama shama kondo kudzwa ku murenanyi. ¹⁴ Jeso pukaru kuya shufupi nawo aku mwana bayeyi ba benji. Akuba fvera zi xuma aku bapwelyisa. ¹⁵ Pu kwaru kuzima, barutiwa bakuya ku kye baku tikya, "Lyopani haraupa, lyiba kalyi lyawulyi. Shusa lyi ywaba, atikya bashukye ku minzawo baka lyi wire zu kulya." ¹⁶ Jeso aku tikya kuwo, "Ku njemwa shuba kushushira. Ni bape zukulya." ¹⁷ Baku tikya kukyee, Tina ngaho mikamu yati mana lyanja indi tushwi tu biri." ¹⁸ Jeso aku tikya, "Nitu lyetye kumye." ¹⁹ Jeso aku zira lyi ywaba ku sikama peshi pu mutsodzo. Aku yisa mikamu indi tushwi. Aku lyaya kwi lyiiri, aku zu fuyora akuyi chamara akuyi pa barutiwa bakye, barutiwa bayipa lyi ywaba. ²⁰ Kowo baku lya kukuta. Baku kunganisa muchuku mushuro - waku yira zitanda zu lyukumi indi zibiri. ²¹ Kowo ibata lya kali 5000 barwa kukusa ko barwa kazi indi bapundi. ²² Papa ngaho aku panga barutiwa bakye ku njena muwoto kwenda nakye kuru pati rurumwe, Pwa shishusa lyi ywaba. ²³ Pukaru ku mana ku shusa lyi ywaba, aka kyita kwi kambamo ku karapera. Maxuhumu ngakuya, karana ko yekye. ²⁴ Mi uwoto warana shire nilidzo, baru ku katazwa ni makapa, mupupo waru ku shura kudzwa kubaya. ²⁵ Inako iyi wune yaru ku kwana Jeso akaba shera, kwenda puliywate. ²⁶ Barutiwa pubaru ku mumwana matyenda pwi lyiro lyu lyuwate, baru ku ywapa baku tikya, "Shurumba," baku shupura shuku ywapa. ²⁷ Jeso aku hweta kuwo apa ngaho aku tikya, "Ni gipe! Imyee! Ni siye ku ywapa." ²⁸ Pitorosi aku muya rumuna atikya, "Shikati, ati iwee, hweta namye ndaku ya kuwee pwa-ami." ²⁹ Jeso aku tikya, "Kuya" Pitorosi akudzwa muwoto akwanda ku Jeso pwi lyiro lya mi. ³⁰ Kono pu Pitorosi karu ku mwana mupupo, aku kalyisa ku ywapa. Aku ka lisa ku mina, aku lyira indi ku shupura atikya, "Shikati, ndiyaka!" ³¹ Papa ngaho Jeso aku wara lyanja lyakye, aku zuwura Pitorosi, aku tikya kukye, "Yewe yuku tishira kokuche, shikya pumati kyeshira?" ³² Mi Jeso indi Pitorosi pubaru ku njena muwoto, mupupo wakutii qamwi. ³³ Cware barutiwa muwoto baku murapera Jeso ba ku tikya, "Injhamu iwee ndu mwana mulyumo." ³⁴ Pubaru ku lyuwushira kyo, bakuya mu lyuvu lya Genesarete. ³⁵ Mi bayeyi wushi baka puwaru ku yiba Jeso baku tumina lyi shibaka koche indi baba zungura, kulyeta bakulyi. ³⁶ Baru ku rungira kupata nanga ziraro akye, mi babenji ibaru kupa baru ku pwara.

Chapter 15

¹ Mafarisi indi bañoli bakuya ku Jeso kunzwa Jerusalema. Baku tikya, ² "Shikya barutiwa wee puti vunjara shuzo shaba kuru? Amaba kuywa ku manja bashilya." ³ Akwi taba aku tikya kuwo, "Shikya punati vunjara mirawo Urezya shu zizo zenu?" ⁴ Urezya aku tikya, 'Ku tyeka sho indi nyoko; mi 'Ikaku hweta zezibbi ku nyina ni shee mbo afwe.' ⁵ Kono naku tikya, 'Kwekye ika ku tikya ku she kapa nyina, "Kocho ngaho shaniyaka shina tapura kumyee pani impo iyati pewa ku Rezya,"' ⁶ muyeyi yahati shaka kuli shusa pyeshi lya shee.' Mwi njira yati fwena nalikusa ku lyiyi lyu Rezya shilibaka lyu zuzo zenu. ⁷ Yenwe inalipa! Isaya mata porofita izenu pukaru ku tikya, ⁸ bayeyi bani bandi kutika shi miromo awo, kono mitima awo ina shire namye. ⁹ Bandi rapera mulyu pupo shuku tikya bati ruta zizawo ngaho mirawo aba yeeyi.'" ¹⁰ Aku bera lyiywaba kukye aku tikya kuwo, "Nira kyeke mi ni yuvwe- ¹¹ Ku njemwa ishata njena mu muromo shati bbisa muyeyi. Nanga, ishata ndzwa mu muromo, chupa ndishata bbisa muyeyi." ¹² Barutiwa ba kuya mi bakuya ku tikya Jeso, "Uyi zire atikya Bafarisi ama balyi yuvwe naqa pubaru ku yuvwa mayi ngapana?" ¹³ Jeso akwi taba atikya, "Kocho shuvuna shi Tatye yaku lyiiri ahata kuna shazi xomu nuwe. ¹⁴ Niba siye wekye, bayendisi babapofo. Muyeyi yo mupofo ndiku kitira yuyumwe yo mupofo, kowo mboba wulye mulyuqxo." ¹⁵ Pitorosi akwi taba aku tikya, "Toroka inguli yopa ku tswa." ¹⁶ Jeso aku tikya, "Indi nwe nishili amana ku yuvusisa?" ¹⁷ Amana ku mwana kocho shati njena mu muromo shati kytira muwura mi ndika kyita kukudzwa?" ¹⁸ Kono izuto kozo zatizwa mushuporo zati kadzwa ku mutima. Ndi zuto zati sinya muyeyi. ¹⁹ Ku mutima ndikwati kazwa mi yana kano yemibbi, kubura, wuhure, indi zuwu shashi, uwuzi, indi mbuzi. ²⁰ Zopa ndizuto zati sinya muyeyi. Kulya nimanja ngahara ywa ama kwa ku sinya muyeyi." ²¹ Jeso aku dzwapo aka kyita mi akuya kuru pati lyi shikiriti shumu renenyiwa Taire indi Sidoni. ²² Ni mwene, Mukazi ya Kananite akuya ku dzwa mu shikiriti shipa. Aku shupura atikya, "Bani zixuma ku mye, Shikati, Mwana Davida! Mwananga yushi kazi mapatuwa ku ma dimona." ²³ Kono Jeso ama mwitaba lyiyi. Barutiwa bakyee bakuya ku mukambira, akya, "Muhundi shira kuna, mati shupura ku tswa." ²⁴ kono Jeso aku bara taba atikya, "Amandi katu muwe kuyani ni yani tana ku zungu iza zi mina zi njuwo a Isiraele." ²⁵ Kono akuya kuku bama pumaso akyee, akya, "Shikati, ndiyaka." ²⁶ Akwi taba atikya, "Kawu shiyama kuyisa mukamu amwenwe mi ndikwi kyamina tumbwa totu dana." ²⁷ Aku tikya, "Eyee, Shikati, kono nanga tumbwa totudana twati lya izatiwa pushu lyiro shayo mukuru awo." ²⁸ Mi Jeso aku tikya kukye, "Murwakazi, shuwu kuru wi tumero aye; kube akyopa tandi mu mati shashira." Mwana kye aku pwara kakanda kapa. ²⁹ Jeso aku siya shibaka shopa mi aka kyita kuru pati lyu lyuwate lya Galilea. Kopa kwamata kakyita pwi kaku muko aka sikma koo. ³⁰ Lyi ywaba lyilyinji lya kuya ku kyee. Bataya nibaba pofo, zuhwere, baba poro, wi mbingwa, indi ba benji baru ku mashira. Kuba lyeta puma kondo a Jeso, mi akuya kuba pwelisa. ³¹ I lyinji lyaku hakamara pubaru ku mwana zumumu zati hweta, zuhwere za pangua, baba pofo wati mwana. Baku rumba Urezya Isiraele. ³² Jeso aku bera barutiwa bakyee aku tikya, "Nda fweri lyiywaba zuxuma shuku tikya basika kakanda mayiba atatu ngaho kuku shuba tilya. Amanda ku shaka kuba shisa ku njemwa shubalyi, taba kuku tira mwinjira pubaku shuka." ³³ Barutiwa baku tikya ku kyee, "Ikure taku shangana mikamu yi minji mu linkanda lyolyi lyopani atikya tipe lyiywaba lyi lyopani?" ³⁴ Jeso aku tikya kuwo, "Mi kamu ilyare ni siteye?" Baku tikya, Kumana lyanja indi tubiri, indi tushwi totuche." ³⁵ Mi Jeso aku zira lyiywaba kolyo ku sikama peshi. ³⁶ Aku yisa mikamu indi tushwi, mi pukaru ku mana ku kambira, aku tuncamara mi akupa barutiwa. Barutiwa bakupa lyiywaba. ³⁷ Bayeyi kowo bakulya indi kuli lyuvwa naqa. Mi baku kunga nisa kuyiza zitanda zati mana lyanja indi zibiri, muncuku mino iwata karapo. ³⁸ Bapa ibatalya kali 4000 barwa ngaho, kukusa ko barwakazi indi bapundi. ³⁹ Mi Jeso aku shusa lyiywaba papa aku njena muwoto kwenda ku shikiriti shaMagadani.

Chapter 16

¹ Ma Farisi indi ma Suduki ba kuya ku mwiqaba shuku muwuza atikya abaraqe imakzo mwi lriiro. ² Kono aku baya rumuna akya, "Ati maxuhumu, natikya, 'Lyatidzwa naqa, lyiuro lya xwapa.' ³ Ati ku shilyi maxehumu, atikya, 'Invura yati dzwima, lyiuro lya xwapa indi lya chekuwa ku munjanga.' Nizi sumukya naqa ziqe zinako. ⁴ Ba babbi indi rusinga rwa mahure bati shaka zi qewa (makazo), kuku ziqewa zu baku pewa tana iya Jonasi." Jeso akuba siya aka kyita. ⁵ Pubarutiwa baru kaya kuru pati rumumwe, bata yibara kuyisa mi kamu, ⁶ Jeso aku tikya kuwo, "Ni yise zuvuma ni mamere mi mena ama Farisi indi ma Saduki." ⁷ Barutiwa ba xqitika ku qhoqhora mwikyo lyawo atikya, "I shuku tikya amati kayise mikamu." ⁸ Jeso aku yiba zopa aku tikya, "Yenwe wumuti shiro wo muche, shikya punati qxhuqxhura mwikyo lyenu atikya ishuku tikya amani kayise mikamu? ⁹ Ama naku yanakana mi mi kamu yati mana lyanja indi 5000, mi zitanda zi lyare zi nata yiza? ¹⁰ Mi kamu ye 7 indi 4000 bayeyi, mi zitanda zi lyare nata yisa? ¹¹ Ingahare punahati yuvusisa atikya amanda ku hweta kunwe zi mikamu? Ni yise zuvuma ni dzwa ku minena a Mafarisi indi Masaduki." ¹² Baku yuvusisa atikya ama ku amaku bazira ku bayana kanisa zi mi mena iyina mi mikamu, kono ku yanakanisa zu muruturo a Mafarisi indi Masaduki. ¹³ Papa pu Jeso karu kuya kuzi kiriti shi shupi ni Sisiria Filipi, aku wuza ba rutiwa bakye atikya, "Bayeyi batikya mwana muyeyi iyani?" ¹⁴ Ba bamwe batikya, Johani mukorobezi; babamwe, Elija; mi ba bamwe, Jeremia, kapa yuyumwe ya ba porofita." ¹⁵ Aku tikya kuwo, "Yenwe natikya myee ndiyani?" ¹⁶ Ku muyaru muna, Simoni Pitorosi aku tikya, Wendi Kirisite, mwana Urezya ya mati para." ¹⁷ Jeso akuba ya rumuna atikya, "Imbuyoti injwe Simoni mwana Jona, inyama indi mupupo kandi za kuyeri zopa kuwe, kono i Tatye ya mu lyiuro. ¹⁸ Ndati ku zira atikya Pitorosi, pu lyiuro lye mbondi raxhini i kereke anga. Mi mbero imbazi ka muni shaukome. ¹⁹ Mbondi kupe zi yazwiso zu muwuso i lyiuro. Kochoo isha shimi nuwa mu lyuvu indi kwi lyiuro akyopa, kochoo ishata chuturuwa mu lyuvu indi kwi lyiuro ingahopa." ²⁰ Jeso aku zira barutiwa bakye atikya basiye kuzira bayeyi atikya inje ndi Keresite. ²¹ Ku dzwa inako yopana Jeso aku xhitika ku zira barutiwa bakye atikya mati shaka kwenda ku Jerusalem, kashandi sidzwa izuto zi zinj kuba yendi indi ba bakuru bama purisita ni ba noli, ku bburuwa, indi ku tambuka mulyiba lyi wutatu. ²² Pitorosi aku muyisa kuru pati aka mukalyimera, atikya, "Zopa zidzwe shufupi nawe, Shikati; zopa zi siye ku panga hare kuwee. ²³ Jeso aku qhapu shira Pitorosi, "Dzwa muqo lyanga, Satani! Nand chira mayira anga, amu ku bbiraera kwi zuto zu Rezya, kono izuto za bayeyi." ²⁴ Jeso aku tikya kuba rutiwa bakye, "Ati kuna yamati shaka kundi qama, alyixa yehalyine, ayise shifapano shakye andi qama. ²⁵ Kwekye yamati shaka ku palisa wuparo wakye mbwa shinyehere, mi kwekye ikaku sinyerwa wuparo wa kye shi libaka lyanga mbwa ushangane. ²⁶ Kwati thusa kya muyeyi ku tsuwa lyuvu kolyo nduku sinyeherwa wuparo we? Shikya shu muyeyi chicha ni wuparo? ²⁷ Mwana muyeyi ishaye mu rumweni rwa Shee sha manyiroi. Shayara muyeyi kwenda shizu marasi. ²⁸ Injahamu ndatikya ku nwe, kuna babamwe kunwee iba yimine pani yaha muni sha mwene rufu tana pushaba ku mwana mwana muyeyi."

Chapter 17

¹ Kuma ku mayiba ngamana lyanja indili xiki Jeso aku yisa Pitorosi, Jakowo, indi Johani muzata kye, mi akuba twara pu lyurundu lyelire. ² Aku chicha pu maso awo. Shifateho shakye sharu ku kabera tandi lyiba, ziraro zakye zaru ku mwenika. ³ Ni mwene, kwaku mwanahara Mushe indi Elija baru ku hweta nakye. ⁴ Pitorosi akwi taba Jeso aku tikya, "Shikati, kuqa atikya tibe kuni. Ati mati shaka, Mbondi pange kuni zitara zi tatu - shixiki inchwe, shixiki i nchanga mi shixiki incha Elija." ⁵ Pukaru ku shu hweta, ni mwene, lidzunzho lyakuba cheka, mi ni mwene, kwaru kuzwa lyiyi mu lyudzuzho, atikya, "Yopani i mwananga indati shaka, indati rumbuwa shakye. Ni mwi kyekye." ⁶ Pu barutiwa baru ku yuvwa akyo, baru wulya peshi mi bata ywapa nanyina. ⁷ Jeso akuya kuba pata aku tikya, ⁸ "Ni yime nisiye ku ywapa." Baku lyaya kwi lyiyo kono kuku yibaru ku mwana tana Jeso ngaho. ⁹ Pubaru ku suka pu lyurundu, Jeso akuba zira atikya, "Nisiye kazira shina tana pushi Mwana Muyeyi ishaku tambuka kubafu." ¹⁰ Barutiwa bakye baku muwuzwa, shikya, "Shikya pu bañoli bata tikya Elija ndamati swanera kuya itanzi?" ¹¹ Jeso akwi taba atikya, "Elija nanyina shaye indi kuya ku shusiza izuto kozo. ¹² Kono ndatni zira, Elija kali mataya, kono kuku yamuyiba. Nanga ndipakyo, batisi kozo zubati shaka kukye. Mwinjira yati fwana, Mwana Muyeyi shashiswe mumanja awo." ¹³ Mi barutiwa bakye baku yuvusisa atikya karu ku hweta za Johani Mukorobezi. ¹⁴ Pu baru kuya kwi lyinji, muyeyi akuya kukye, akuya ku kubama, aku tikya, ¹⁵ "Shikaka, fwera mwananga zuxuma, mati mashira indi ku shanda ahuru. Mata wulya mwami kapa munduro. ¹⁶ Ndamu lyeta ku barutiwa wee, kono amaba mupwelise." ¹⁷ Jesoakwi taba atikya, "Shicaba shahati tishira sheshi fosahara, kalyare ndaku sikama nanwe? Kalyare ndakuba nanwe? Mulyeta kuni kumyee." ¹⁸ Jeso aku kalimera ma Dimona, mi zakuzwa kukye, karwa kaku pwara papa ngaho. ¹⁹ Mi barutiwa ba kuya ku Jeso kurupati baku tikya, "Shikya putahara kunga hindika?" ²⁰ Jeso aku tikya kuwo, "Ishi tumero enu yiche. Injahamu ndatikya kunwe, nanga ndinina tu tumero totuche tandi zishe zama sitete, nati kwana ku tikya ku lirundu, 'nzwapa ukwenda kuna,' mi mboli yendye, mi kuku shati para kunwe." ²¹ Ma dimona ngangahopani amanga kwenda tana shuku rapera indi kuli yimina zulyuwa ²² Pubahara shisise mo Galilea, Jeso aku tikya ku barutiwa bakye, "Mwana Muyeyi mbwapewe mu manja abayeyi, ²³ mi Mbuba mubbure, mi mulyiba liwu tatu sha tambuke." Barutiwa bakye baku hakamara nanyina. ²⁴ Pubaru kuya ko Kapenauna, muyeyi yumu tyerisi akuya ku Pitorosi aku tikya, "Muruti enu tanikati shara mutyero?" ²⁵ Aku tikya, "Eye." Pitorosi pukaru kuya kwi njuwo, Jeso aku hweta kukye itanzi atikya, "Shikya mati yanakana, Simone? Ikure ma shikati ulyuvu bayisa zi shira? kwa bana bawo kapa kuba bamwe?" ²⁶ "Kuba bamwe," Akwi taba Pitorosi. "Cware abana bali kyeta," Jeso aku tikya. ²⁷ Kono amata ku panga bashalyisi kupanga shibe, nakwenda ku liwate, ni karakyi tushuto, mi nika patye zushwi zakuya itanzi. Punaka chekura mi romo azo, mboni shangane ushereñi. Ni muyise nika mupe bati sharisa atikya ijwanga nanwe."

Chapter 18

¹ Mukakanda kapa barutiwa bakuya ku Jeso baku tikya, Yo mukuru ku menina mu muwuso i lyiiri iyani?" ² Jeso aku bera ka pundi kakadana, aku mubika takati lyawo, ³ aku tikya, "Zi njahamu ndatikya kunwe, nakana naku yaru muka tandi kapundi kaka dana, kuku mushani njena mu muwuso ulyiiri. ⁴ Cware, kwekye yamatili qhokawo tandi mupundi yo mudana nduyo mukuru mu muwuso i lyiiri. ⁵ Kwekye yamati chenjira mupundi yo mudana akyopani imye ama tambura. ⁶ Kwekye yamati lyetisa atikya yuyumwe aba pundi bati tishira kumyee apange shibe, mbokube wuqa atikya ashiminwe lyuwe lyelyi kuru mwi sungu, mi ara kyiwa mu lyuwate azyime. ⁷ Wu shwamana wuna mu lyuvu shizi kanga! Ku tikya zi kanga zopa ziye, wu shwamana ingu muyeyi izatiya shakye! ⁸ Ati lyanja kapa lyikondo lye lyati lyeta akyo, lyitsura ulyiky shire nawe. Wu shiyama ko kuwe ku njena wuparo ni lyanja kapa lyi kondo lyelyi hwere ku bbara kwi kyiwa mulyi bbibbiro lyahati mana ni manja abiri ni makondo abiri. ⁹ Ati ilyisho lywe lyatiku lyetiza zikanga, lyikusa ulyiky shire nawe. Wu shiyama kuwe kanjena mu wuparo ni lyisho lyi xiki kakwi kyama mubbibbiro na mesho aye kongo. ¹⁰ Ni mwenee atikya ni siye kwixi uyumwe aba pundi bapa. Ndatikya kunwe manyiroi awo nga lyayi lyira puwuso wa ya namwi lyiiri. ¹¹ Shuku tikya mwana muyeyi mataya ku palisa lyuvu ¹² Shikya nati yanakana? Ati muyeyi ana zungu zilyi 100, i xiki ndiku zimina, kuku kusiya zopa pwi kambamo aka lyaye yahati mwana? ¹³ Ashi kayi shangana, Injahamu ndatikya kunwe, mbo ara dze ku bbara indi zizinji izahara zi mina. ¹⁴ Shi njira yati fwana, kaku shaka kwa Shikati enu yakwi lyiiri atikya yuyumwe aba pundi shinyehe. ¹⁵ Ati mukwe ashiki wubbi, yenda uka muzire wubbi wa marasi, yenwe ngaho nwekye. Ati mati kakwi kyekye, kalyi mayaka mukwe. ¹⁶ Kono ati ama kakwi kyekye, yisa muxiki kapa ba biri shimi romo ibiri itatu zi tanduro zi lyiyi ni lyiyi zu yuvwahare. ¹⁷ Ati mati kashita kabara kyekye, zira itaba kwi kereke. Ati indi papa ashishita musiya abe kunwe atikya muhedeni kapa musharisi. ¹⁸ Injahamu ndatikya kunwe, ichuto ni chuto shinati shimina papeshi indi kwi lyiiri bashi shimini, kocho shinati chutura peshi indi ku lyiiri bashi chutura. ¹⁹ Nangweza ndatikya kunwe, ati ba biri batishi zana kwi chuto kocho shubati rungira, mboshi pewe kuwo sha Tatye ya kwi lyiiri. ²⁰ Puba biri kapa batatu bashengeni mu lyina lyanga, indi myee ndina mwi kyo lyawo." ²¹ Cware Pitorosi akuya ku tikya ku Jeso, "Shikati, kalyare mukwanga katindi panga wubbi kanditi mupatira? ku twara ka 7?" ²² Jeso akumu yaru muna atikya, "Amandi hwetye ka 7, kono 70 kuyi twara ka 7. ²³ Cware muwuso akwi lyiiri wati fwana tandi shikati yuyumwe yamati shaka ku shara bavuya bakye. ²⁴ Ashi xhitika ku shara, yuyumwe aku lyetuwa kukye yamati korota zi tareta zilyi 10 000. ²⁵ Kono shuku tikya muku injira yiyimwe yuku shara, shikatya akye akutikya awulyu suwe indi bamukaza kye, abana indi zi zutsuwa za kye kozo za siteye, atikya share. ²⁶ Apa muvuya akye akuwa peshi pumaso akye, aku tikya, Shikati, bani kaxumakawo ku mye, ishandi ku share kozo zopa." ²⁷ Mi shikati umuvuya, shuku kytirwa ni kaxumakawo, aku mukusa indi kumu patira shikoroti shakye. ²⁸ Kono muvuya aka kyita aka shangana yuyumwe ya bavuya, ikaru ku mukorota 100. Aku mupata, ku mupatira mu mulyuwo, atikya, 'Ndi shara zumandi korota.' ²⁹ "Kono muvuya aku wulya peshi shuku lyishusa peshi kukye, atikya, 'ndifwera zu xuma, shandi ku share.' ³⁰ Kono muvuya ywi nthanzi aku shita. Nanga ndipa kyo, aku munjenisa i torongo tana pusha ku mushara za mati mukorota. ³¹ Ba vuya babamwe pubaru ku mwana zatara sisini, bata bbiraera. Bakuya ku zira shikati awo kozo zatara sisini. ³² Mi shikati akye aku mubera akuya kutikya ku kye, 'Wee muvuya yo mubbi, ndata ku patira shi koroti shwe shuku lyixuma kawo kwe ku myee. ³³ Amukwi xuma mu vuya ngawe, tandi shindi shindata kwi xuma?' ³⁴ Shikati akye aku menga nanyina aku mupa kwibati shandisa tana pusha shera za mati korota. ³⁵ Ehe Tatye ya kwi lyiiri kasha nisi ati amana ku patira ba kwenu shi mitima enu."

Chapter 19

¹ Kwa kuya atikya pu Jeso karu ku mana mayi ngapa, aka kyita ko Galilea akuya ku shikiriti sha Judeya kokyo lyi murwanga Jodani. ² I lyinji lyaku mwi qama, aka ba pwelisiza koo. ³ Ba Farisi bakuya ku kye, bakumwi kaba, atikya ku kye, "Kana shu murawo murwa mati tishwirwa ku shita murwakazi akye shi chuto kocho?" ⁴ Jeso aku bayaru muna atikya, "Ama ni bare atikya yamata ba wumba kwitanzi mata ba wumba murwa indi murwa kazi?" ⁵ Mata ba wumba aku tikya, 'Shilyibaka lyini murwa sha siye bashumuzi bakye aka shangane ni murwa kazi akye, mi wubiri wawo shababe inyama ixiki,' ⁶ Kaba shiberuwa babiri, kono inyama i xiki. Cware shu Rezya ama shanganisa, kusiye ku shanganeha yamatishi qapura." ⁷ Baku tikya ku kye, "Shikya pu Mushe amata tikya takupa linoro lyuku shita indi ku muhindika?" ⁸ Aku tikya kuwo, "Shuwu kukutu wi mitima enu, Mushe aku niti shira ku shita bakazi benu, kudzwa itanzi kali kangahopa. ⁹ Ndatikya kunwe, yamati shita murwakazi akye, yahali ishuhure, ndika rowura uyumwe, mati panga wuhure; murwa yamata ka rowura murwakazi yo mushutuwa mati panga wuhure." ¹⁰ Barutiwa baku tikya ku Jeso, "Ati yopa nditaba umurwa indi murwakazi akye, kuqa kwaha rowura zini." ¹¹ Kono Jeso aku tikya kuwo, ka kwekye mati tishira muru turo wa pani, kono tana baba tishira kuzi tishira. ¹² Kuna baha muni sheba kyopa kabata pakuwa mu mara aba nyina bawo, babamwe bata rasuwa akyopa ku bayeyi, babamwe imbo balyi kyopa shuku shaka mu wuso i lyi. Yeye yamati kwana ku tishira zu tuto zini, ni musiye ati shire." ¹³ Hape bapundi bhamwe baru ku lyetuwa kuyee atikya aba bikye banja indi kuba raperera, barutiwa kyee bakuba kalimera. ¹⁴ Kono Jeso aku tikya, "Ni tishire bapundi, ni siye kuba chikisa kuya kumwee, mu wuso ulyi wati fwana tandiwo." ¹⁵ Yamati bika lyanja lyakye pu bapundi, mi ndi kuzwa kuwo. ¹⁶ Ni mwene, muyeyi akuya ku Jeso aku tikya, "Muruti, shikya sheshiqa shinda ku kwisi atikya ndishangane wuparo wa hamana?" ¹⁷ Jeso aku tikya kukye, "Shikya pumandi wuza atikya shikya sheshiqa? Shixiki sheshiqa, kono ati mati shaka kunjena ku wuparo wa hamana, patisa murawo." ¹⁸ Aku tikya kukye, "Mirawo yire?" Jesoaku tikya, "Siya ku bbura, siya ku panga wushashi, siya ku yiba, siya ku yuvwa wupaki wi mbuzi, ¹⁹ Kutyeke basho indi ba nyoko, shaka yuyumwe tandi shumatili shaka." ²⁰ Munyana yomudana aku tikya kukye, "Kozo zopa izuto ndazi mamera. Shikya ndishi shaka?" ²¹ Jeso aku tikya kukye, Ati mati shaka kuba naqa, ukwenda, uka wulise zusitye, mi aka zipe baba hungwe, mi shuka shangane zutsuwa mu lyi; mi ukuya, ndiqama." ²² Kono murumbwana pukaru kuyuvwa zi Jeso karu ku hweta, aka kyita matsuka mutima, shuku tikya ana zu tsuwa zizinji. ²³ Jeso aku tikya ku barutiwa bakyee, "Nanyina ndatikya kunwe, ku zowo mufumu ku njena mu muwuso wi lyi. ²⁴ Nangweza ndatikya kunwe, ati kutwere i Mbongolo ku njena mwi lisho lindwanga cware mufumi ndisha ku njena mu muwuso Urezya." ²⁵ Pubarutiwa baru kuyuvwa akyo, baru ku hakamara baku tikya, "I yani he yushu yakuwa?" ²⁶ Jeso aku ba lyi aku tikya, "Sha bayeyi zopani amaza ku kwanahara, kono shu Rezya izuto kozo zati kwanahara." ²⁷ Mi Pitorosi akwi taba atikya kukye, "Lyaya, tasiyi izuto kozo indi ku kwiqama. Cware shikya shishati shangana?" ²⁸ Jeso aku tikya kuwo, "Injahamu ndatikya kunwe, mu lyuvu lyeli piya pu shumwana Muyeyi shaka sikama pushuro shati kabera, yenwe nata mwi qama shani kasikame pu zuro zati kabera zulyu kumi ni zibiri, kuya tura mishowo yi lyukumi ni biri ya bana ba Isiraere. ²⁹ Kwekye yama siyi injuwo, bazatu bakye indi bakuru bakye wushi nyana indi wushi kazi, bashe indi ba nyina indi bapundi, indi lyuvu shi liina lyanga mbwa shangane zi mashumi nga mana lyanja indi yora wuparo waha mana. ³⁰ Kono bata kyelira shababe witanzi, witanzi shababe bama menisizi.

Chapter 20

¹ Injendisio ilyiuro yati fwana muyeyi yana muvu ya mati tambuka shichacha ku ka shaka ba bberiki ba mwi fuba akye. ² Mulyiqo lyuku yuvana in ba bberiki ku ba shara usherenyi muxiki shilyiba, nduku batuma kwi fuba. ³ Mukakanda ka shupi aka kitako mi aka shangana ba bberiki babamwe bali yimine ngaho muma wulyisizo. ⁴ Aku tikya kuwo, 'Indinwe, ni njene mwi fuba, kokyo shashiqa shindi nipe.' Baka kyita kuku bberika. ⁵ Nangweza yuwu 6 indi yuwu 9, aku panga zati fwana hape. ⁶ Nangweza muka kanda ku lyi kumi indi kaxiki aka shangana babamwe bayiminwe, aku tikya kuwo, 'Shikya puni yimine ngaho wuqholi wulyiba?'; ⁷ Ba ku tikya ku kye, kali kunjemwa yama tipe musebezi, akuba tyeya atikya, indinwe yendye mi fuba.' ⁸ Maxuhumu pungaru kuya, umunu i fuba aku tikya ku muyendisizi mwi fuba, 'Bera ba bberiki yuba shara marwapa nguba bberi shiri, kudzwa kuywa ma menisizi ku lyata kuya makalyero. ⁹ Ba bberiki bata njena mushikati, uyumwe nu yumwe aku shangana isherenyi ixiki. ¹⁰ Wi thanzi pubaru kuya baru ku yanakana atikya mboba shangene pakuru, kono indi wo baku pewa ixiki ixiki. ¹¹ Pubaru ku shangana marwapa, baku bbiraera ku munu ifuba. ¹² Ba ku tikya, 'ba bberiki bama menisizi bayisa ngaho kakanda ka xiki, kono mabapi izati fwana natswe, tafu mizilyo ulyiba indi ku piya kashe.' ¹³ Kono umunu ifuba aku zwara yuyumwe aku tikya, 'Mbiya, ama ndiku pange wubbi. Amu tishi zanwe namyee shu shereni muxiki?' ¹⁴ Yisa shicho ukwenda. Ndali kyetiri kupa indi banjeni mushika shuku fwana nanwee. ¹⁵ Ama ndaku swanera kwisi mundati shashira ku shi changa? kapa ilyisho lywe lyina wubbi shuku tikya ndu mushiyama? ¹⁶ Cware bama menisizi indi wi thanzi, wi thanzi nduwu mamenisizi." ¹⁷ Pu Jeso karu kwenda ku Jerusalema, aku yisa barutiwa kuru pati, mwi njira aku tikya kuwo, ¹⁸ "Ni mwene, ta tyenda ko Jerusalema, mwana muyeyi mati ka pewa kama pirisita ba bakuru indi ba noli wu mirawo. Shaba ku mu twere ku rufu. ¹⁹ Mboba ka mupe kuwu lyuvu atikya baka mwinwaa, baka muzipe mi shaba ka mubamba. Konomu lyiba lyuwu tatu shata mbukye." ²⁰ Nyina abana ba Zebedia akuya ku Jeso nabana bakye. Akuya kuwa peshi pu wuso wa Jeso aku murungira. ²¹ Jeso aku tikya ku kye. "Shikya mati shaka?" Aku tikya ku kye, "Ndati ku zira atikya abana banga bani ba biri baka sikame, uyumwe ku lyanja lywe lyikhamu, uyumwe kwi moshu, mu muwuso wee." ²² Jeso aku barataba atikya, "Kani yi zire shinati rwamba. Nati kwana kunwa ukompi indina shufupi nuku munwa?" Ba ku tikya kukye, "Tati kwana." ²³ Aku tikya kuwo, "Ukompi anga nati swanera injahamu ku nwaa. Kono ku sikama ku lyanja lyi khamu kapa kwi moshu kamyee ndati pa, kono ikubapa ibata raqawu-qawu ma sha Tatye." ²⁴ Pu barutiwa ba bamwe wulyi kumi baru ku yuvwa zopa, baku menjira baba biri. ²⁵ Jesoakuba bera aku tikya, "Ni yizire atikya bayendisizi wu lyuvu bati bakyi tira, wutokwa wawo batyendisizi shiqumu awo. ²⁶ Ku siye kuba akyopa kouk nwe. Nanga ndipa kyo, yamati yanakana kuba yo mukuru enu abe muvuya enu, ²⁷ mi yamati shaka kuba kuwuso wenu abe muvuya enu, ²⁸ tandi shi mwana muyeyi amaye kuku yakuwa kono kuku yaka, kuya kupa wuparo wa kye ku shara mirandu abayeyi kowo." ²⁹ Pubaru kudzwa ko Jeriko, lyi ywaba lya kubara qama. ³⁰ Kwarana barwa ba biri bara sise ku rupati ru mugwaga. Pu baru yuvwa atikya Jeso mati tsura, baku shupura, "Shikati, mwana Davida, tixuma." ³¹ Lyyiwaba lyaku ba kalyimera, kuba zira atikya bati qamwi, kono baku shupura nanyina, "Shikati, Mwana Daivda, tuyuvura zuxuma." ³² Jeso aku yima akuba bera aku tikya, "Shikya nati shaka atikya atikya ndini sama?" ³³ Ba kutikya kukye, "Shikati, amesho etu kamwene." ³⁴ Cware Jeso, aku xhitika kwenda shuku bara xuma, aku pata amesho awo. papa ngaho baku shangana ku mwana ba kumwi qama.

Chapter 21

¹ Pu Jeso indi barutiwa bakye baru shera shufupi ni Jerusalema kuya Betefege, kwi kaku muko a Olive, mi Jeso aku tuma barutiwa ba biri, ² aku tikya kuwo, "Nakwenda ku munzi washi fupi, mi mboni shangane ka uhashi yomu shimina, indi mwana hashi. Nikazi chuture nizi lyetye kumyee. ³ Ati kuna ikaku hweta kocho kunwe, ni tikya, 'Shikati matiba shaka; mi muyeyi yopa papa ngaho mbwaka tu tumine nanwe.'" ⁴ Zopani ziya ati zata hwetuwa shaba porofita zi yizirizwe. Aku tikya, ⁵ "Zira abana wushi sizani ba Zayona, 'Mwana, Shikati enu matiya ku nwe, shukulyi xumakawo mi maranda pu Hashi- mwana hashi.'" ⁶ Cware barutiwa ba kwenda bakarasi shi Jeso ama taba tyeya. ⁷ Baka lyeta uhashi indi mwana kye baku bika ziraro zawo pwi lyiro, mi Jeso aku sikama pwi lyiro lya ziraro. ⁸ Uwonji wu lyiywaba baku rara ziraro zawo mwi njira, ba bamwe baku xhaka zu tobye zimiti indi ku ziyara mwi njira. ⁹ Cware lyi ywaba ilyaru kwenda pu wuso wa Jeso indi barana mu lyiqo lykye baru ku shupura, "Hosana ku mwana Davida! Ku rumbuwe imatiya mu lyina lya Shikati! Hosana mwi lyiyo!" ¹⁰ Pu Jeso karu kuya mo Jerusalema, Murenanyi kowo wata yima kana baru ku tikya, "I yani yoo?" ¹¹ Lyi ywaba lyakwi taba, "Yoo i Jeso muporofita ku dzwarira ko Nazareta indi Galileya." ¹² Cware Jeso aku njena mwi kereki. Aku hindi shira penje ibaru ku wulyisa indi ku wura moo, kereki, ndukuyi yaru muna zi tafure zaba tichicha marwapa, indi zu puna ku sikama ibati wulisa makiri. ¹³ Aku tikya kokuwo, "Kunwara injuwo anga ikya iberuwe atikya injuwo uzi tapero; kono kali nayizoru malyi zuko aba bezi." ¹⁴ Cware baba pofo indi baba hwere ba kuya kukye mwi kereki, akuba pwelisa. ¹⁵ Kono ba purisita ba bakuru indi ba noli pubaru ku mwana izuto izati hakamaza iza mata rasi, indi pu baru ku yuvwa ba pundi bati shupura mwi kereki atikya, "Hosana ku mwana Davida," Baku menga nanyina. ¹⁶ Baru ku tikya kukye, "Tamati yuvwa zubati hweta?" "Jeso aku tikya, "Eyee! Kono kani chire kubara, 'muzu toroza bapundi indi i bashi nxhamwa ma marukisa mi rumbeko'?" ¹⁷ Cware Jeso akuba siya akwenda kwinje lyi murenanyi, kwenda ko Betenia aka ramgara ko. ¹⁸ Cware maxhehumu, pukaru ka shuka mu murenanyi, matafwa injara. ¹⁹ Pu karu ku mwana wu kuyu ku muguru injira, akwenda kuwo aka shangana atikya muqu tana mapapa. Aku tikya kawo, "Shu siye ku bika zipata nangweza," papa ngaho wuku kukuta. ²⁰ Barutiwa pubaru ku wu mwana, baruku hakamara baku tikya, "Ingahare muti wa pweri kuku kuta akyopa?" ²¹ Jeso aakubara taba, aku tikya kuwo, injahamu nanyina ndani zira, ati nati tishira nahati gooroza, kani muni shani rasi ishara sisini ku muti ngaho, kono shani tikya ku lyiqhiri, zomuka papa uka wulye mu lyuwate; shashi rasisini. ²² Kono shinati rungira shi tapero, niti shire, shani shipewe." ²³ Jeso pukarukuya mwi kereki, ma pirisita kuru indi baba kuru mu minzi ba kuya kukye pu karu ku kutaza, bak uya ku tikya, "Iqumu kya mati bberikisa mi i yani maku piyo?" ²⁴ Jeso akubara taba atikya, "Indimye ndati ni wuze shihweta shixiki, ati nandi zira indimye mbondini zire atikya ishi qumu ayani ndatisi zopani shayo. ²⁵ I korobezo a Johani ikuyani yata dzwa? Ikwi lyiyo hali ku muyeyi?" Baru ku hwetizana mwikyo lyawo, "atikya, 'iku lyiyo, 'kuti atikya ikutswe, 'Tashikya nahata mutishira?" ²⁶ Hape puta ku tikya, 'ku bayeyi, 'tati ywapa lyi ywaba, shuku tikya lyaya Johani akya muporofita." ²⁷ Bakwi taba Jeso akya, "kati yi zire." Indimyee ka muni ndini zire i qumu indati sikawo zopani shayo. ²⁸ Cware shikya nati yanakana? Muyeyi ana abana ba biri. Akwenda kwi ywi tanzyi ndika tikya, mwananga ukwenda uka bberike namushi mwi fuba yi waine! ²⁹ Mwanakye ndu mwi taba atikya, 'yemwa ndakwenda; kono ku dzwapo aku yaru muna amano akye akwenda. ³⁰ "Cware muyeyi ndu kwendira yuyumwe mwanakye ndika muzira izati fwana. Akwi taba atikya, Ndatyenda, kono ama yendye. ³¹ I yire kwa bana baba biri yamata rasi za mati shaka shawo? Baku tikya, "Uywi tandzi" Jeso aku tikya kuwo, "injahamu nanyina ndani zira, mushalyisi indiba bashashi shaba njene mu muwuso ilyiyo kuni siya. ³² Shuku tikya Johani mataya kunwe shi njira yi shiyama, kono yemwa ni muti shire. Cware mushalisi indi baba shashi bata muti shira. Kono yenwe, indi puna monu zini, yemwa ni bake ku dzwapo atikya numu ti shire. ³³ "Nira kyekye kwi nguli yi yimwe. Kwarana muyeyi, yana muvu. Aku kuna i fuba yi waine, akuya kuzhabira mapara, akusa shurubiro, akwi qhini mo katara kuku bika mo balimi. Akwenda ku lyuvu lyi lyimwe. ³⁴ Kakanda ku kuvuna pukaru ku shera, aku tuma bavuya bakye ka kunganisa zi pata. ³⁵ Kono balimi baku yisa bauvya bakye, baka zipa muxiki, baku bbura yuyumwe, yuyumwe baku muxapara sha mawee. ³⁶ Ku dzwapo, umuni i fuba aku tuma babamwe nangweza, babenji ku bbura iwi tanzyi, balyimi bakuya kubarasi tandi shubata rasi wi tanzyi. ³⁷ Ku dzwapo aku tuma mwanakye kuwo, akya, tama mboka yope umwana." ³⁸ "Kono balyimi pubaru ku mwana mwanakye, bakuli zira mwikyo lyawo atikya, 'swana yoo. Nakuya, tumu bbureti yore'. ³⁹ Cware baku mu yisa, baku mwi kyamina penje, lyi fuba indi ku mu bbura. ⁴⁰ Papani umunu i fuba pusha kuya, shaye ku tyera malyimi?" ⁴¹ Ba ku tikya kukye, 'shaye ku shinya bayeyi ibana kansa mwi njira i bbi nanyina. Indi kupa i fuba akye kuba rwezi, ishaha mupa iza kye mu kakanda kuku vuna." ⁴² Jeso aku tikya kuwo, "Amani bare manoro, 'Lyiwee lyu muxhinikawo uma yuwo amata shita, ndi lyataba ndima qhipiro. zopa zata dzwa ku Shikati, zati hakamaza mwa mesho etu'? ⁴³ Cware ndata tikya kuwo, muwuso Urezya shawu gisuwe kunwe indi ku pewa ku rusinga irwati bika zipata. ⁴⁴ Kwekye imati wulya pu lyiwe

lyopani, inkya xanake xanake kono isha wulywa kulyo inkya nxapukye.⁴⁵ Ba pirisita bakuru indi ba Farisi pubaru ku yuvwa zinguli za kyee, baku yuvwa atikya izawo ka ru ku hweta.⁴⁶ Baku shaka ku mupata, baru ku ywapa lyi ywaba, shuku tikya bayeyi baru ku muyisa atikya muporofita.

Chapter 22

¹ Jeso aku hweta kuwo nangweza shizi nguli, akya, ² "Muwuso u lyiiri wati fwana shikati yuyumwe yamati qawu-qawu ishangono uliyi rowura lya mwana kye. ³ Aku tuma bavuya bakye ka bera ita beruwa kwi shangano uliyi rowura, kono ama baye. ⁴ Nangweza shikati aku tuma bavuya bakye, kya, 'Nakaba zire ibata beruwa, 'Ni mwene, Ndaru kisa zi lyuwa za maxuhumu. Maturu anga indi zezi nunu za bburuwa, izuto kozo za shiyama. Nakuya kwi shangano uliyi rowura." ⁵ Kono amaba mi kyekye bakali kyi tira, uyumwe kwi fuba, uyumwe kwiza kye. ⁶ Abamwe baku pata ba vuya bakye, ku bashandisa abamwe baku ba bbura. ⁷ Mi shikati aku menga nanyina, aku tumina ko masore baka ba bbura indi kapisa minzawo. ⁸ Aku tikya kuba vuya bakye, 'i shangano ilyi rowura ya shiyama, kono ibata beruwa kabaru ku wuswanena. ⁹ Ku dzwapo nakwenda muzi njira nika bere bayeyi babanji shuku pweraka.' ¹⁰ Ba vuya bakwenda mu zi njira baka shanganisa bayeyi kowo, kowo bababbi indi babaga. Ndu ku tikya shibaka mwaru ku lyirwa i shangano uliyi rowura shayira bayenyi. ¹¹ Nduku tikya shikati pu karu kuya kulyaya kuba yenyi, aku mwana murwa yuhata rara ziraro zilyi rowura li shangano. ¹² Shikati aku tikya kukye, 'Mbiyanga, ingahare manjeni mopani wahararara ziraro zi shangano uliyirowura? kono murwa,shukwi kyini shuku hweta. ¹³ Shikati aku tikya, kuba vuya, ni shimine muyeyi yopa ku manja indi ku makondo, ni mwi kyama penje pukarama, indi munduro indi ku rwara ameno.' ¹⁴ Shuku tikya uwunji wa bayeyi bata beruwa, kono bache ibataya." ¹⁵ Nduku tikya ba Farisi bakwenda indi karera shuba ku patiseza Jeso shamayi akye. ¹⁶ Nduku tikya baku tumina ku kye barutiwa, ku shanganisa paxiki ni ba Herodias. Baku tikya ku Jeso, "Muruti, tiyizire atikya iwe ndiywi njahamu, indi ku tikya mati ruta injira Urezya mwi njahamu. Amu ku bbiraera shu muyeyi amatilyi yuvwa, hape amu ku lyaya atikya muyeyi shikya. ¹⁷ Ti zira, shimati yanakana shikya? Kwati tishirwa ku sherwa Sesare mutyero?" ¹⁸ Shuku tikya Jeso aku yuvusisa runya rwawo aku tikya, "Shikya punandi qaba yenwe inati lyimwana?" ¹⁹ Nindiye usherenyi umu tyero." Baku mulyetiza i Dinare. ²⁰ Jeso aku tikya kuwo, "Wuso iwunapo ungwani?" ²¹ Baku tikya kukye, "Isha Sisare" Nduku tikya Jeso aku tikya kuwo" Nipe Sisare shalyi ichakye, nipe Urezya shalyi i shu Rezya." ²² Pubaru kuyuvwa akyo, baku hakamara. Baku musiya baka kyita kurwezi. ²³ Mulyiba lyopa ma Suduki babamwe, ibaru tikya njemwe ku tambuka, bakuya kukye. ²⁴ Baku muwuzwa atikya, "Muruti, Mushe matikya, 'Ati muyeyi mafu munjemwe umwana arowure murwakazi akye apakye ko abana ba mukurakye.' ²⁵ Kali bayeyi bamana lyanja indi tu biri. I ywitanzyi aku rowura aku fwa. Aku siya kuku umwana, aku sira muzatakye mukazi. ²⁶ I yuwu biri muzatakye aku kyopa indiye, ndukuya ku yuwutatu, kowo bamana lyanja ni tubiri, mwi njira yati fwana takuya mamenisizi. ²⁷ Pu baruku mana kowo, murwakazi aku fwa. ²⁸ Nduku tikya mu kakanda kuku tambuka ku bafu, ku bamana lyanja ni tubiri, murwakazi shwabe unjwani? shuku tikya kowo bata murowura." ²⁹ Nduku tikya Jeso aku bara taba atikya, "Nati fosa shuku tikya kani yi zire manoro indi qhumu Urezya. ³⁰ Kuku tambuka ku njemwa yamati rukera ku rowura kamba kurowuruwa kono batu rukyera ku fwana manyiroi akwi lyiiri. ³¹ Kono kuamana ni ku tambuka kwa bafu, amani bare ishata hwetuwa ku dwelyira ku Rezya, aku tikya, ³² 'Myendu Rezya Abburahama, the uywa Isaka, indi Urezya a Jakowo'? Urezya kha Urezya ababafu kono baba yimi." ³³ Pu lyi ywaba lya ru ku yuvwa akyo, ba ku hakamara kwi tuto akye. ³⁴ Cware puba Farisi pubaru ku yuvwa atikya Jeso mati pu kawu ba Suduki bakulyi shanganisa paxiki. ³⁵ Yuyumwe puwo, akalyi muruti umurawo, aku wuza ipuzo, ku mwi qaba, ³⁶ "Muruti itayero ikuru iyi murawo iyire?" ³⁷ Jeso aku tikya ku kye, "'Shaka Shikati Urezya aye shumutima aye kowo, indi shamano aye kungo.' ³⁸ Wopani nduwomu kuru indi wi ntanzzyi ku mirawo. ³⁹ i wuwu biri murawo wuni-' Shaka wuntire nawo tandi shumati lyi shaka.' ⁴⁰ Pu yopa ibiri mirawo ndi pwatire mirawo koyo indi shi porofita." ⁴¹ Pukali bashiri bashengena paxiki ba Farisi, Jeso aku bawuza atikya. ⁴² Aku tikya, "Shikya mati yanakana kwamana ni Keresite? I mwana yani?" Batikya ku kye, "Mwana Davida." ⁴³ Jeso aku tikya kuwo, "Tingahare Davida amu bera mumupupo atikya Shikati, ⁴⁴ 'Shikati matikya ku Shikati, 'Sikama ku lyanja lyanga i lyama khamu, nakana, pushanda kupanga zira zwa malya turo aye'?" ⁴⁵ Ati Davida mati bera Keresite 'Shikati; Ingahare kaku berwa mwana Davida?" ⁴⁶ Ku njemwa ikaru ku kwana kwi mitaba nanga lyiyyi, hape ku njemwa imata gipa umoyo ku muwuzwa ipuzo kudzwa rusuku ropa.

Chapter 23

¹ Pu Jeso karu mana ku hweta ku lyi ywaba indi barutiwa bakye. ² Aku tikya, "Ba noli indi ma Farisi bati sikama mushi puna sha Mushe. ³ Nanga ndipakyo kocho shiba kuni zira nishisi shubabbara, kono nisiye ku cheriza zu batisi, shuku tikya bati hweta izuto zubahatizi. ⁴ Eyee, baruku shimina mi zuyo yemi remu hape yemiremu pukuyi kambika, mi bakuyibika puma qaba abayeyi. Kono shawowo halinwe baru kushitira nanga tu ngara kuzu kotura. ⁵ Baru kwisi izuto za wo atikya bayeyi babamwene. Baruku panga zi kwezira zawo mafirakateri ni minganja, baru kulyisa kumamenisizi uziraro zawo. ⁶ Bati shaka zuturo izina kuwuso mu zi shangano indi zi turo za baba kuru muma sinagoo. ⁷ indi kwi wayiwa naqa mo zi baka zama wulyisizo, indi ku beruwa 'Rabbi' ku bayeyi. ⁸ Kono yenwe ama na ku swanera ku beruba 'Rabbi; shuku tikya muruti enu muxiki, yeye Keresite. ⁹ Mi yenwe kwenu nabana wu muyeyi muxiki. Mi hape nisiye kubera bera muyeyi ngaho atikya i Shenu, shi libaka lyuku tikya ninangaho Shenu muxiki, yana kwi lyi. ¹⁰ Hape nisiye kuberuwa atikya' nibaruti; shuku tikya ninangaho muruti muxiki, yeye Keresite. ¹¹ Yo mukuru kunwe abe muvuya enu. ¹² Kwekye yamatili kakura shali bike peshi, kwekye yamati lyishusa peshi shakoturawe. ¹³ Kono wushwamana ungu, yenwe banoli indi ba Farisi, ibatili mwana! Shuku tikya nati yazira bayeyi mu wuso i lyi. Shuku tikya yenwe yemwa naka njenamo, mi ibati shaka ku njena yemwa naku bati shira. ¹⁴ ¹⁵ Wu shwamana ungwenu, banoli indi ba Farisi inalipa shuku tikya, nati mina mayuwo aba rwakazi baba fwera, shuku ba pangira zi tapero zezinde, shazopa shani ya turwe shuku bbara. ¹⁶ "Wushwamana, ungwenu yenwe bayendisi ba bapofu, yenwe inatikya, 'Kwekye yamati kwaka shi kereki, kunjemwa ichumwa. Kono kwekye yamati kwaka shi gauda iyi kereki, mati shimi nuwa shuku lyi shimina kwakye.' ¹⁷ Nwe bapofu baba gigi! Sheshi kuru ichire, i gauda kapa i kereki iya ti chenisa? ¹⁸ Muyeyi kwekye yamati kwaka shi alutare, kuku ichumwe. Kono yimati kwaka shimpo iyina payo, matishiminwe shuku lyishimina kwakye.' ¹⁹ Yenwe baba pofu sheshi kuru shikya, i mpo, kapa i altare iya ti chenisa i mpo? ²⁰ Cware, nanga ndipa kyo muyeyi ashi kwaka shi alutare ku kwaka shayoyo indi zinapo kozo. ²¹ Imati kwaka shi kereki mati kwaka shayoyo ngaho indi shayeye yamati para mwayo. ²² Indi yeye yamati kwaka shilyi mati kwaka shishi puna shu Rezya yeye yusikama moo. ²³ Wushwamana, ungwenu banoli indi ba Farisi, ibalyipa! shuku tikya bati shara ichuto shixiki ku zilyikumi. Kono nasiyi izuto zezi remu izi murawo- muxumakawo indi tumero. Kono zopa ndizi naruku swanera kwisi indi kwahasiya zizimwe zaharara sisini. ²⁴ Yenwe bayendisi babfu amesho, nwe inati yimba kamburu mburu hape nati mina i kamele! ²⁵ Wushwamana ungwenu, banoli indi ba Farisi, ibalyipa! Yenwe nati ywesa kwinje lyu kompi indi kwinje lyu mbenga, kono mwikyo muyire fufurerwa indi kulyi pata. ²⁶ Yenwe mu Farisi yo mupofu! ywesa amana mwikyo lyu kompi indi umbenga, nduku tikya pange pachene. ²⁷ "Wushwamana ungwenu, ba noli ni ba farisi, yenwe inalipa! shuku tikya nati fwana imbazi, yara tsuwa wuhwe ingatu mwanahara wuqa popenje, zini mwikyo muyire zu shupa za bayeyi uwunji wazo kazi chena. ²⁸ Mwi njira yati fwana, hape kunje nati mwanahara wuchena ku bayeyi kono mwikyo muyire kulipa indi murawo womuku ituso. ²⁹ "Wushwamana ungwenu, ba noli indi ba Farisi, ibalyipa! Yenwe inati panga zi mbazi za ba porofita indi ku ziqasa zi mbazi za baba chena. ³⁰ Natikya, 'Kambe tata para mumbayiba aba shebetu, nita hata patizana nawo kuta marwapa aba porofita.' ³¹ Ndipopa hee niyi zirize mwikyo lyenu atikya enwe nda bana ibata bbura ba porofita. ³² Ni popahe ni yizirize kwandi lyira niba shebenu. ³³ Yenwe zinywaka, abana wuzu bbobbuma, ingahare ishani pima i katuro yu munduro? ³⁴ Cwrae he, ni mwene, ndati ni tumisiza ba porofita indi baba sauka, banoli. Babamwe shani ba bbure indi kuba bamba, babamwe shani bara kyamu mu zikereki indi kuba hindi shira kwinje lyi minzi. ³⁵ Yatikya marwapa kongo ingababa shiyama ingata tyeshira peshi, kudzwa kumarwapa Abere, ku twara kunga Zakaria mwana Barakia, inata bbura pakati lyi kereki indi alutare. ³⁶ Shinjhamu nanyina ndani zira, kozo izuto zopa ishaziye pwi lyi rurusinga ropa. ³⁷ "Jerusalema, Jerusalema, yewe yumati bbura ba porofita, indi ku hwabara wundati tumina kuwe! Kashiche shinda shaka kwiqawu-qawu bana wee paxiki, tandi ukhukhu shashanganisa tutsuyo-tsuyo, kono, amuku shaka. ³⁸ Ni mwene, injuwo aye yati kara nali limbo. ³⁹ Shuku tikya ndani zira, ndatikya kudzwa papani, kamuni shenindi mwene nakana shina ku tikya, Imbuyoti injakye yamatiya shilyina lya Shikati."

Chapter 24

¹ Jeso akudzwa mwi kereki baka kyita mwi njira. Barutiwa ba kyee kuqe miyaho wu wumwe ywi kereki. ² Kono aku bara taba atikya, kuwo, "Ama naku mwana izuto zopani kozo? Injahamu ndatikya kunwe, kuqu lyiwe lyishali kara pwi lyiro lyalyi lyimwe kongo shanga waru mukye." ³ Pukara sise pwi kaku muko a Olive, barutiwa bakuya kukye kuru pati baku tikya, "Tizira, indi zopani izuto shazi pangahara? Ziqe zire zishazi raqe zuku yakwee indi mameni sizi ulyuvu?" ⁴ Jeso akubara taba aku tikya, "Ni mamere atikya kunjemwa yamani dzisa mwi njira. ⁵ Ba benji shaye molyina lyanga. Shaba tikya, Myendi Keresite,' mi shaba rakyi bayeyi ba benji. ⁶ Shani yuvwe zu ndwa indi zi piho zizindwa. Ni mwene atikya imeyo enu isiye ku lyangana, izuto zopa zitama hera kisisini; kono mameni sizi kanga chire kuya. ⁷ Lyuvu shalyi rwenisa lyuvu lyilyimwe, muwuso ni muwuso. Shakube nizati ywasa indi indi zizi kinyeho muzi baka zati chichana chichana. ⁸ Kono kozo zopa maka lyero uwu tuku. ⁹ Cware shabani patye bani shandise indi kuni bbura. Shani toyiwe ku lyuvu kolyo shi lyibaka lyi lyina lyanga. ¹⁰ Shakube nizi kakanga zi zinj, indi kuli twaya. ¹¹ Ba porofita ba benji shabaye ndukuya ku dzisa ba benji mwi njira. ¹² Kakuli wubbi shawu yinjipe, rushunu rwa bayeyi sharu mane. ¹³ Kono yeye yushulyi gisa ku twara mamenisizi nduya kuwa. ¹⁴ Imbuzi yiqa yu muwuso shayi hwetuwe lyuvu kolyo kuba wupaki kulyuvu kolyo. Kudzwapo mameni sizi ndisha ngakuya. ¹⁵ Cware, pushe na ku mwana wubbi womuku iwati qapara, iwata hwetuwa ku muporofita Daniele, ku yima mushibaka sheshi chena" (ni siye baye ndisi bayuvwe), ¹⁶ "Siye bapa ibana mo Judeya batire ku marundu, ¹⁷ ni siye yana kushi tiwo shinjuwo asiye ku suka kuya kuyisa ichuto mwi njuwo, ¹⁸ yana kuruwa asiye kashuka kuya kuyisa inguwo. ¹⁹ Kono ba shwamana barwakazi ibati xamisa kapa ba tyere mu lyiba yopa! ²⁰ Ni rapere nanyina atikya ku ywapa kwenu ku siye kuba pu shipepo kapa rwi Sabata. ²¹ Shuku tikya ni mashando ngama kuru, ingaha chire ku mwanahara kudzwa makarero ulyuvu ku lyeta apani. ²² Nakana mayiba ngapa shanga ku shupipa, nakuku, yushu ya kuwa. Kono shi lyibaka lyabata shararwa shanga shupipe. ²³ Ati kuna isha tikya kunwe, 'Lyaya, Keresite yini!' kapa, 'Keresite yoo!' ni siye ku tishira. ²⁴ Ba Keresite wi mbuzi indi ba porofita wimbuzi shabaye kuya kwiqe ziqe indi zi makazo zezi kuru, kuni kusa ngaho mwi njira, ati shaku kwanahare, tananga ibata ketuwa. ²⁵ Ni mwene, ndani ziri shinako. ²⁶ Cware, ati batikya kunwe, 'Ni lyaye, ana kuni kwishumwe,' kapa, Ni mwene, ana mwinjuwo yamwi kyo,' ni siye ku shira. ²⁷ Pusha ku besa shaka ku mwenika kudzwa kuwu dzero taku wuzima, kopa ndukuya kwa Mwana muyeyi. ²⁸ Koko ikuna unya uya yo mufu, mboku kungene mayini. ²⁹ Papa ngaho kudzwa ku mashando umayiba ngapa lyiba shali zime, umwezi kamuni shaumwe nikye, zinyata shazuwa ku lyiuro, indi qumu ulyiuro shayi nyangase. ³⁰ Cware siqe za Mwana muyeyi shazi mwanahare mu lyiuro, mi showo koyo mu lyuvu shyi lyire. shaba mwene Mwana muyeyi shama tiya muma dzudzo u lyiuro indi qumu yi kuru. ³¹ Shatume manyiroi akye ni mushupu wa mukuru wu torombita, shaba kunga nise bata shararwa muziqha zine, kuma menisizi taku mamenisizi. ³² "Lituta ituto ku wukuyu. Papa ngaho ushu mwana zutobe zateni zata kuku muka kali ngati gutura, uyibe atikya invura yina shufupi. ³³ Akyopa, pushana ku mwana zopa kozo, ana shufupi, puru pati rumu mbero. ³⁴ Injahamu ndatikya kunwe, rusinga ropani ka muni sharu mane izuto zopani kazi chire kwisisini. ³⁵ Pushi lyuvu indi lyiro shalya ku tsura, kono mayi anga ka muni shaka tsure. ³⁶ Kono zu lyiba indi nako kuku yuzi yizire, nanga manyiroi ulyiuro, nanga u Mwana, kono tana Shee. ³⁷ Tandit mayiba a Nuwe, shakube tandi kuya kwa Mwana muyeyi. ³⁸ Tandit mu mayiba ngapa baru kunwa indi ku lyi munda ka wuchire kuya, kurowura indi ku rowuza ku twara liba lyu Nuwe amata njena mwi areka, ³⁹ kuku shubara yi zire tana pu munda waruya wakuya kuba gura- mi shakube akyo indi kuya kwa Mwana muyeyi. ⁴⁰ Ba biri ishana mwi fuba- uyumwe shayu suwe, uyumwe shakare. ⁴¹ Barwakazi ba biri batitwa- uyumwe ayu suwe, uyumwe akare. ⁴² Cware nindi lyindire, kani yizire lyiba lyishi Shikati enu ishaya. ⁴³ Kono niyibe chini, kambe umunu injuwo ayi zire inako yamatiya, nisha sikame kwi qawu qawu atikya injuwo akye isiye ku bburuwa. ⁴⁴ Cware nati swanera ku lyindira, Mwana muyeyi shaye mukakanda ku nahati yanakana. ⁴⁵ "I yani yamati sepahara indi muvuya yo mu sauka yamata bikuwa mwinjuwo a shikati akye atikya uku mupa zu lyuwa shaka kanda kaka shiyama? ⁴⁶ Ana imbuyoti muvuya yushu shanganuwa matisi pushi shikati akye akuya. ⁴⁷ Injahamu ndatikya kunwe shikati akye shaya mupe zu tsuwa zakye kozo za sitye. ⁴⁸ Kono ati muvuya yo mubbi aku tikya mu moyo akye, 'Yo mukuru anga maka lyiyeha,' ⁴⁹ Nduku xitika nukwi kyamu ba vuya ngakye, ku lyi indi kunwa nizi ndakwa, ⁵⁰ Yo mukuru akye shaye mwi nako yama lyi yibara yaha yi zire. ⁵¹ Yo mukuru akye shamu xanare xanare indi kumukyi kuba balyipa, kopa kuba kulyira indi ku rwara ameenno.

Chapter 25

¹ Mu wuso aku lyiiro wati fwana tandi bakana wu lyikumi ibata yisa marambi kuka mwana yamati rowura. ² Bamana lyanja kuwo kalyi gigi indi bamana lyanja kuwo kalyi ba sauka. ³ Mi baba gigi pubaru kuyisa ma rambi awo, ama bayise amazi mu marampi awo. ⁴ Kono baba sauka bata yisa amazi ngangamwe nga ma rampi awo. ⁵ Papa puyi karuku rowura kalyi kalyi yeha, kowo bakwenda kuku rangara mi baka kwama. ⁶ Kono pakati lya masuku baku yuvwa mushupu, 'Ni lyaye, yamati riwura! Nakwenda nikalyi shangane nakye.' ⁷ Kowo bakana batambuka baku mwenika ma rampi awo. ⁸ Baba gigi baku tikya ku baba sauka, 'Ni tipeko amezi shuku tikya ma rampi etu nduku zima kango.' ⁹ "Kono baba sauka baku bara taba, 'Ngutina nango mache ngaku kuti kwana kwetu, na kwenda kubati wu lyisa ni ka lyiwire nga ngeni.' ¹⁰ Pu baru kwenda kuku wura, ikaru kurowura akuya, ibata lyi tukiseza baka kyita nakye kwi shangano ama rowura, mi numero waku ya zuyiwa. ¹¹ "Kowo bakana bakuya baku tikya, 'yo mukuru, yo mukuru, tiya zwira.' ¹² "Kono aku tikya kuwo, 'Injahamu ndatikya kunwe, Kandini yi zire.' ¹³ Ni lyindire cware, shuku tikya kani yi zire lyiba indi nako. ¹⁴ Kwati fwana tandi muyeyi mati yimina kwenda lyuvu ilyimwe. Aku bera ba vuya bakye akubapa shutsuwa shekye. ¹⁵ Ku yuyumwe aku mupa zi tareta zati mana lyanja, ku yumwe akupa zi mbiri, ku yumwe akupa ixiki. Kwekye mata pewa kwenda mama ti kwena, muyeyi aka kyita mu musipiri akye. ¹⁶ Yamata pewa zati mana lyanja aka kyita akazi bikasa aka shangana izimwe zati mana lyanja pwi lyiro. ¹⁷ Kwati fwana niyamata pewa zi mbiri aka yekyezapo zi mbiri nangweza. ¹⁸ Kono yamata shangana ixiki aka kyita, akasa lyuqo akayi zika. ¹⁹ Papa shika kanda kakare aka shika kuru awo mi akuya kuti shizana nawo. ²⁰ Muvuya yamata pewa zati mana lyanja akulyeta zati mana lyanja pwilyiro. Aku tikya, 'shikati, matandipa zati mana lyanja ndalyeta zatimana lyanja pwilyiro.' ²¹ "Aku tikya kukye, 'Mapanga naqa, muvuya yomuqa yamati sepahara! Mata sepahara muzeziche. Mbondi kubikye kwendasa izuto kozo. Njena niradze ni shikati aye.' ²² "Shata yisa zi mbiri shakuya ku tikya, 'shikati, matandipa zi mbiri. Mwena, Ndaka panga zi mbiri puliyiro.' ²³ "Aku tikya kukye, 'mapanga naqa, muvuya yomuqa yati sepahara! Mbondi ku bike kwendisa zi zinnji. Njena niradze ni shikati aye.' ²⁴ "Muvuya yamata pewa ixiki akuya ku tikya, 'shikati, ndara yi zire atikya, shikati ndara yizire atikya muyeyi yomu zuwo. Yamati matishanganisa muhara kuna, mati vuna muhara lyima. ²⁵ Ndata ywapa, ndata yenda ndaka yizika mu muvu. mwana, yisa shalyi ichwe.' ²⁶ Kono shikati akye akumwi taba atikya kukye, 'Yewe muvuya yomu tolyi indi ku kwesa, uyi zire atikya ndati kunga nisa mundahara kuna indi kuvuna mundahara lyima. ²⁷ Kambe matayipa kwi paka, kambe ndaya ku shangana ichanga indi chimwe pu lyiro. ²⁸ Cware akuyi yisa kukye akuyipa yana zu lyi kumi. ²⁹ Koku kye yana, shapewe zizimwe- indiku bbara nanyina. Kono kukukye yomuku, nangaishalyi muku shashi yanguwe. ³⁰ Akukyi mu vuya yomuku ituso muka rama. Kubati shupura indi ku rwara ameeni.' ³¹ "PushiMwana muyeyi isha kuya muku besa indi manyiroi akye, mi shasikame pu shuro shakye sheshiqa. ³² Puwuso wakye shaku nganise lyuvu koyo, shakuse muyeyi nu muyeyi kuyumwe, tandi mulisani yamati kyeta zungu kuzi penwe. ³³ Shabikye zungu ku lyanja lyi khamu indi zu penwe kulyanja lyi mosho. ³⁴ Shikati shati kya ku ibana ku lyanja lyi khamu, 'Nakuya, yenwe inata tonorofazwa ku Tatye, nira swana mu wuso iwata ni bishirwa kudzwa kwi thanzyi ulyuvu. ³⁵ Shuku tikya nata ndipa zu lyuwa pundata fwa injara; ndatafwa lyinata nakundipa ami ndaku nwaa; kali ndimuyeni naku ndiyisa mwikyo; ³⁶ Kalyi ndi muku ziraro nakundi rarika; Ndaru ku mashi natandi qawu-qawu; Ndarana mwi torongo nataya ku ndimwana.' ³⁷ "Baba chena bakwi taba atikya, 'Shikati, Indini tata ku mwana mafu injara mi takupa zu lyuwa? kapa lyinata takupa ami? ³⁸ Indini tata ku mwana umuyeni mi takuyisa mwikyo? kapa ku tsushira taku rarika? ³⁹ Indini tata ku mwana mwi torongo indi ku mashira takuya kuwe?' ⁴⁰ Cware Shikati ndisha kwita atikya kuwo, 'Injahamu nda tikya, shinatarasi kubapana wakwenu, ikumye natazisi.' ⁴¹ Cware ndisha kutikya ku ibana kulyi khamu, 'Nidzwa kumye, yenwe ina kutuwa, nakwenda mulyi mbimbiri lyata kwezirwa Kamuhema (satani) indi manyiroi akye, ⁴² Shuku tikya ndata fwa injara, kono amani ndipa zulyuwa; ⁴³ Kalyi ndumu yeñi, ama nindi yise; Ndata tsushira ama nindipe zi raro; Ku mashira, mwi torongo, ama nindi petiyre.' ⁴⁴ "Cware ndishaba ku mwi taba atikya, 'Shikati, Indini tata kumwana mafu injara, kapa lyinata, muyeñi, matsushira, ku mashira indi mwi torongo amati kwi nasamina?' ⁴⁵ "Mi shara taba atikya, 'Injahamu nda tikya kunwe, shinahata rasamina bapa imye nahata rasama.' ⁴⁶ Bapa shabayendye ku rufu, baba chena mu wuparo wa hamana."

Chapter 26

¹ Kwaru kuya atikya Jeso pukaru ku mana ku hweta mayi ngapa kongo, aku tikya ku barutiwa bakye, ² "Niyi zire atikya kudzwa mayiba abiri i Paseka yatiya, mi Mwana muyeyi shapewe atikya aba mbuwe." ³ Ma pirisita babakuru indi babakuru bakwi xamu paxiki mushi baka shumu purisita yo muku, ikaru ku berwa Kayafa. ⁴ Ku yanakana kupa ku pamba Jeso indiku mubbura. ⁵ Mi baru kutikya, "I siye kwiqho mu kakanda kwi shangano, ku siye ku njena zundwa pukati lyabayeyi." ⁶ Papa Jeso karana mo Betani murubba rwa Simoni ywi mbingwa, ⁷ pukaru ku chenisa (tafure), murwakazi akuya ku kye asitire lyichimba lya mazi ingati tura nanyina, mi kunga shanjera ku mushoro akye. ⁸ Kono barutiwa bakye pubaru ku mwanaakyo, baku menga baku hweta atikya, lyibaka lyuku sinyeherwa akyo ndilyire? ⁹ Cho sharu ku rukerwa ku wulyi suwa shimarwapa ngamenji indi ku pewa kuba hungwe." ¹⁰ Cwarehe Jeso, shuku yiba aku tikya, shikya punati guni murwakazi yo? Shuku tikya mandi sama ichuto shishiq nanyina. ¹¹ Shina kubanga nibaba hungwe kakanda koko, mi yemye kamuni nakubanga namye kakanda koko. ¹² Shuku tikya pwamati tyera amazi ngani pu mumbiri, anga marasi akyo shuku ndizika. ¹³ Ndani zira injahamu, koko ku shaku hwetuwa imbuzi yiqi yini mu lyuvu kolyo, shisha marasi murwakazi yini shashi hwetuwe idni cho shuku muyanakana. ¹⁴ Yu yumwe ku wulyi kumi indi ba biri, ikaru ku beruwa Judasi Isikariota, akwenda kuyo mukuru ya ma purisita. ¹⁵ Aka tikya, "Shikya nati shaka ku ndipa atikya ndini qeye?" Baku mubera marwapa umu waya-wayi iwa makumi atatu (30). ¹⁶ Kudzwa kakanda kapa aku kalyisa ku shaka ipwera iyi kubaraqe ye. ¹⁷ Pani mulyiba lyithanzyi iyi chira sheshi ku mumena barutiwa bakuya ku Jeso baku tikya, "Ikure mati shaka atikya tukwi qawu-qawa mina ku koku lyira mu rero i Paseka?" ¹⁸ Aku tikya, "Ni yendye mu murenanyi ku muyeyi yuyumwe ndika hweta kukye atikya, Muruti matikya, "Kakanda kanga ndukuya kako. Ndati bika i Paseka anga kwi njuwo aye indi barutiwa banga." ¹⁹ Barutiwa batarasi shamata baraqa Jeso, bakara qawu-qawu zu lyuwa zi Paseka. ²⁰ Pumaxuhumu ngaru kuya, aku sikama peshi kati lya ni barutiwa wu lyi shumi indi ba biri. ²¹ Pubaru kulya, aku tikya, "Ndani zira injahamu atikya, kokunwe yu yumwe shandi bbraze." ²² Bakwi xorosini nanyina, baku xhitika kulyi wuza uyumwe nu yumwe, "Yemwa tama ime, Shikati? ²³ Akubara taba, "I matyendiriza lyanja lyakye namye muku tupika mumbenga ndimandi bburaza, ²⁴ Mwana muyeyi shayendye, ngoshizata ñoruwa ziza kye. Wushwamana hee ku muyeyi ishawu bburaze Mwana muyeyi! Wuqa ku muyeyi yopa shuwa ama pakuwe." ²⁵ Judasi, ikari ku bburaza aku tikya, "Yemwa tama ime, Rabbi?" Aku tikya kukye, "Mayi hweti wumune." ²⁶ Pu baru kulya, Jeso akuyisa mukamu, akuwu pera, indi kuwu gawura. Aku wupa barutiwa bakya aku tikya, "Ni yise ,ni lye. Wopani mu mbiri anga." ²⁷ Aku yisa ukopi aku kambira, aku bapa nangweza, "Ni nwe mo, kwenu. ²⁸ Shiku tikya ngani marwapa anga inguwu mbiya ingati tyeshira lyuywaba shuku patira zibbisa. ²⁹ Cware he ndatikya kunwe, kamuni shandinwe nangweza kuzi pata zi waine, nakana mulyiba lyopana pushanda kanwa yipiya nanwe mu muwuso a Taty." ³⁰ Pu baru kumana kuyimba ruyumbo, baka kyita pwi kakumuko a Olive. ³¹ Papa Jeso aku tikya kuwo, "Kwenu nati kya nuwe pu masuku shilyi baka lyanga, shuku tikya zu ñwara, Shandi zipe mulisani mi kabbu ku zungu shaka rapukye." ³² Ku lyuqo kalyi ndatambusuwa, shandilyi hingize kunwe ko Galilea." ³³ Cware he Pitorosi aku tikya ku kyee, "Nanga kowo ndiba kuwa shawe, yeme kamuni shandiwe." ³⁴ Jeso aku tikya kukye, "Injahahamu ndati ku zira, masuku ngapani, Mukwembwe ka wuchire kulyira, mbundi shapure ka tat." ³⁵ Pitorosi aku tikya kukye, tananga me ndinda kufwa nawe, ama ndaku shapura." Barutiwa kowo baku hweta ichuto ishata fwana. ³⁶ Papa Jeso akwenda nawo ku shibaka shatu beruwa Getisimani aku tikya kuwo, ³⁷ "Ni sikame papani pundi shiyenda kuku rapera." Aku yisa Pitorosi indi abana ba Zebedia ba biri nakye mi aku lyi yuvwa kutsuka mu tima indi kwi guniwa. ³⁸ Aku tikya kuwo, "Mupupo wati yuvwa wubbi, nokoti ndufwa kanga. Nikare apani mi nilyaye namyee." ³⁹ Akwenda shire axenine, aku wulya peshi, Aku tikya, mi aku repera. Aku tikya, "Taty, ati kwati kwati kwanahara, siya ukopi yopa anditsure. Nanga ndipa kyo, kamundati shashira, kono mu mati shashira." ⁴⁰ Akuya ku barutiwa bakye akuya kuba shangana bati kwama, aku tikya ku Pitorosi, "Shikya, puhati kwana kwiqe namye kakanda kakache? ⁴¹ Ni lyaye indi kurapera atikya ni siye ku njena mumu liko. mupupo wati shaka kono inyama ina peshi." ⁴² Aka kyita nangweza aka rapera. Aku tikya, "Taty, ati amaya kukwana kundi zungura nakana nakunwa, kura suwa mu mati shashira." ⁴³ Aka shuka kuya kuba shangana bati kwama, amesho awo kalyi mare. ⁴⁴ Akuba siya hape ruwu tatu, aku shuka ruwu tatu kuka rapera, hweta ngaho mayi ngati fwana. ⁴⁵ Jeso akuya kuba rutiwa bakye aku tikya, "Ni shu kwama mi na tsutsu ruka? Ni lyaye, kakanda kalyi kaya, Mwana muyeyi nduku pewa kakye mumanja aba qwezabbi. ⁴⁶ Ni tambukye, takwenda, Ni lyaye, yamandi bburaza ana shufupi." ⁴⁷ Pukaru ku shu hweta, Judasi, ikali ujwa barutiwa, akuya. Lyi ywaba lya rukuya nakye kudzwa kumu pirisita yo mukuru indi kubaba kuru batyendis. baru kuya ni masauze indi miramu. ⁴⁸ Murwa ikaru bburaza Jeso matabapa zusupo, atikya, "Indaku xupita ndiye. Ni mupaty." ⁴⁹ Papa ngaho akuya ku Jeso aku tikya, "Tishira, Rabbi!" aku xupita. ⁵⁰ Jeso aku tikya kukye, "Mbiya, rasi shuma yeri kyisi." Bakuya, ku bika manja pu Jeso, baku mupata. ⁵¹ Ni mwene,

yuyumwe ikarana ni Jeso aku wara lyanja, aku shomuna isaure, akutsura liti lyumu vuya amu purisita yo muru.⁵² Mi Jeso aku tikya kukye, "Bika isaure aye, kozo zopani zati swanera ku bako isaure shayi mane shi saure."⁵³ Mati yanakana atikya kandaru ku kwana ku bera ku Tatye, mi namata lyeta manyiroi ngamenji menji?⁵⁴ Ingahre cware mañoro ngaku yizirizwa, zati swanera kwi sisini?"⁵⁵ Pu kakanda kapa Jeso aku tikya kwi lyinji, "Shikya punatiya ni masuare kuya pundi pata nokoti ndu muzi? Lyiba ni lyiba nikanditi sikama ku ni ruta mwi kereki, ama nindi patye."⁵⁶ Kono kozo zopani zati sisini atikya wuñoli wushi porofita wuyi zirizwe." Kowo barutiwa bakumu siya baka kyita.⁵⁷ Ibata pata Jeso baku mu tyera ku Kayafa mupurisita yo mukuru, kubata ka shengana bañoli indi babakuru.⁵⁸ Kono Pitorosi aku bara qama koshire kaxenine ku rumba rumu pirisita yomu kuru. Aka njena aka sikama peshi nibati baba rera atikya amwene shakwi sisini.⁵⁹ Papa mu pirisita yo mukuru indi shangono baru ku shaka wu paki wimbuzi ku Jeso atikya mu bbure po.⁶⁰ Kono kuku shubata shangana, nanga ndi kwarana baruku paka imbuzi. Ma menisizi ba biri bakuya⁶¹ baku tikya, "Murwa yo mata tikya, Ndati kwana ku bbura i kereke Urezya ndi kuyi panga ma mayiba a tatu."⁶² Mu purisita yo muru aku yima aku tikya, "Una ikarawo kuzubati ku hambereza?"⁶³ Kono Jeso aku tupo. Mu pirisita yo kuru aku tikya tizira shilyina lyu Rezya iwe ndi Keresite, tizira kapa iwee, Mwana Urezya."⁶⁴ Jeso akwi taba, "Mayi hweti kare we haline. Kono ndati ku zira, kudzwa papani shani mwene Mwana Muyeyi asise ku lyinja lyikhamu lyi qumu, mi kuya ni madzudzo u lyiiri."⁶⁵ mu porofita yomukuru akuxqhara ziraro za kye aku tikya, "Kali ma hweti malyi uku yefura! Shikya tishi shashira wupaki hape? Ni lyaye, pani nayuvu ku nyefura."⁶⁶ Shikya ni shiyana kana?" Bakwi taba atikya, "Mati swanera ku fwa."⁶⁷ Baku mutsara indi ku muzipa shizi pana amanja awo.⁶⁸ akya, "Porofita kutswe, yewe Keresite. I yani maku zipi?"⁶⁹ Papa Pitorosi kara sise penje lyu mutara, Muvuya yu mukana akuya kukye atikya, "Indiwe korana ni Jeso uywa Galilea."⁷⁰ Aku shapura pakati lyawo kowo, atikya, "Kandi yi zire shinati hweta."⁷¹ Pukaru kwenda pu mumbero, shichumwe shombwa shaku mu mwana shaku tikya, "Murwa yo indiye karana ni Jeso ya Nazareta."⁷² Aku shapura hape, "Kandi muyi zire murwa yopa!"⁷³ Kaxenine ngaho ibara yimine shufupi ni Pitorosi, "Injahamu indi uwakuwo, shumati hweta ngaho."⁷⁴ Aku kalyisa ku kwaka nindi shapura, "Kandi muyizire murwa yopa," papa ngaho mukombe waku lyira Pitorosi aku yakakana.⁷⁵ Pitorosi aku yanakakana mayi a Jeso atikya, "Piri mukombe kawu chire ku lira kali mandi shapura katatu." Aku dzwa penje aku kalisa ku lira.

Chapter 27

¹ Papa maxehumu pungaru kuya, kowo ma pirisita indi ba bakuru baya turera Jeso rufu. ² Baku mushimina baku mutwara, twara ku Pirato muyendisi. ³ Cware pu Judasi, yamata mubburaza, pukaru ku mwana atikya kali bamupata, aku baka mi aku shusa muwaya-wayu umakumi a tatu ku ma purisita bab kuru indi kuba malinda zikanga, ⁴ aka tikya, "Ndata panga shibye shuku bburaza marwapa ngamaku bubbi." Konobaku tikya, "Zukya zopa kutswe? Zi mwana izwe." ⁵ Papa akungarakyi mwi kereki, aka kyita, akali sunga. ⁶ Ma purisita baba kuru bakunga yisa baku tikya, "Ama kwaku tishira kunga bika mushu kwama shuku tikya mu mbuliso umarwapa." ⁷ Bakuzi hweta mwi chawo chawo, mi bakunga twara mwi fuma a Pote mubaru ku zinga makwa mavu. ⁸ Shazopa i fuba yopa yaru berwa akya, "I fuba amarwapa" kulyeta namushi. ⁹ Atikya zina izata hwetuwa shumuporofita Jeremia zi yizwirize, Atikya, "Baku yisa muwaya-wayu, mubburo iwata bikiwa sha mwana Isiraele, ¹⁰ Mi bakungapa yamati mwana zi fuba, shuku tikya Shikati mabarage." ¹¹ Papa Jeso akuyima puwuso lyumu yendisi, mi muyendisi akumuwuza, "Wee ndi Shikati ama Juda?" Jeso aku muzwara, "Ma hweti." ¹² Kono nanga ndikaru ku haperwezwa izuto ku ma purisita ba bakuru indi ba yendisi, kuku zamata rataba. ¹³ Cware Pirato aku tikya kukye, "Amu ku yuvwa kozo zezibbi zibati hweta kuwe?" ¹⁴ Kono amara taba nanga lyiyi lyixiki, mi muwusisi aku hakamara nanyina. ¹⁵ Pwi shangano kali shuzo shawo muyendisi kuncutura muxiki moni porongo yu lyuywaba bati shaka. ¹⁶ Puka kanda kapa kwarana shigebenga sharu kuberuwa barabasi. ¹⁷ Pubaru ku shangana paxiki, Pirato aku tikya kuwo, "I yani nati shaka atikya ndini ncuture? Barabasi, kapa Jeso yamati beruwa Keresite?" ¹⁸ Kara yizire atikya bataya kumuta mbika kukyee shuwubbi. ¹⁹ Pukara shisise pushuro shuku yatura, "murwakazi akye akutu mina lyiyi aky, "Siya kwisi konco ku muyeyi yo kuku shayi zire. Ndashanda namushi shitoro yindabi nayo shumurwa yopa." ²⁰ Papani ba purisita ba bakuru indi babakuru baku zira lyi ywaba atikya ringire Barabasi, mi Jeso abburuwe. ²¹ Muyendisi akuba wuza, "I yire pubani ba biri inda kuni ncutwira?" Ba kutikya, "Barabasi." ²² Pilato aku tikya, "Shikya nda kwisi ni Jeso yamati beruwa Keresite?" kowo bakwi taba, "Nimu bambe." ²³ Mi aku tikya, "Hape shikya, wugebenga kya amarasi?" Kono baku shupura nanyina, "Aba mbuwe." ²⁴ Cware Pilato aku mwana atikya ama ku kwana kuyaka incumwe, kono kuye keza kuwu zuwo, aku yisa ami, akuywa ku manja pumasu ulyu ywaba, mi aku tikya, "Ndumuku shibbi mu marwapa umutu yo muchena. Kulyi mwene yenwe." ²⁵ Bayeyi kowo baku tikya, "Marwapa akyee ngabe pulyiyo lyetu indi abana betu." ²⁶ Mi aku ncutura Barabasi kuwo, kono akupe Jeso mu manja awo atikya bamu bambe. ²⁷ Masore umuyendisi baku yisa Jeso ku miyaho umuwuso mi baku shanganisa abatyendisa masore. ²⁸ Ba kumu zipa indi kumu shimina muhara. ²⁹ Baku panga ituru yi miya baku murarika yoo, mi baku bika yuyumwe ku lyanga lyiqhamu. Bakuwa peshi puwuso wa kyee mi bakumu shuwura, atikya, "Hee, Shikati ama Juda!" ³⁰ Bakumu tsera, bakuyisa izuto mi hape baku muzipa mu mushoro hape indi hape. ³¹ Pubaru kumana kumu shandisa, baku muncutura yumuzi mi bakubika ugwasii akyee, bakumutwara kuka kokotera. ³² Pubaru kuzwa penje, baku shangana murwa yamati dzwa sirene yu lina Simone, ibata kakatiza kwenda nawo atikya ayise shifapano shakye. ³³ Bakuya pushibaka shati beruwa Gologota, i yati tarusa "Shibaka shaka tendere." ³⁴ Baku mupa i waine ikopana. Kono pukaru kuyi qaba, amayi nwaa. ³⁵ Pubaru kumana ku mubamba, baku charara ziraro zakyee tu yemba yemba, ³⁶ mi baku sikama indi ku sikama kabati lindira. ³⁷ Pulyiro lyakye baku bika mirandu pakyee, yati baruwa, "Yo pani ndi Jeso, shikati amu Juda." ³⁸ Ba bezi babiri baka bambuwa na kyee, uyumwe kwi qhamu mi uyumwe kwi moshu. ³⁹ Bapa ibaru ku mutuka, baku nyunga mi shoro awo. ⁴⁰ mi baku tikya, "Yewee yumati kwana ku wumbara i kereke indi kuyi xhini mu mayiba atatu, liyaka! Ati iwee ndumwana Urezya, suka pu shifapano!" ⁴¹ Mwi njira yati fwana ma purisita baba kuru baru ku musheka, indi bañoli indi baba kuru, mi ku tikya, ⁴² "Mata yaka ba bamwe, kono mati shitira ku liyaka yeye. Yee ndi Shikati a Isiraele. Numu siye asuke pushi bambiro. ⁴³ Mati tishira ku Rezya, ni musiye Urezya yamu yake apani, ati Urezya mati tishira ku mukusa, Mani mata tikya, 'Ndi mwana Urezya.'" ⁴⁴ Mwi njira iyati fwana indi babaezi ibata bambuwa nake baku hweta mayi ngamabbi ku kyee. ⁴⁵ Papa kakanda kati mana lyanja indi kanee kaxiki karema kakuyira lyuvu kolyo ku twara kakanda katimana lyanja indi tune. ⁴⁶ Jeso aku shupura shulyiyi lyolyu kuru aku tikya, "Eli, Eli, lama sabachthani?" iya tikya, "Urezya, urezya, shikya mandi siri?" ⁴⁷ Puba bamwe ibara yi minepo baru kuyuvwa, baku tikya, "Mati bera Elija." ⁴⁸ Papa ngaho yuyumwe aku tiya kuka yisa shupochi, skashi yiza i waine, akuya kumupa atikya anwee. ⁴⁹ Uwunji wawo baku tikya, "Ni musiye yekye. Pu mwene Eliya mbwaye ku muyaka." ⁵⁰ Mi Jeso aku shupura nangweza shulyiyi lyelyi kuru mi akupa rupupo lyakye. ⁵¹ Ni mwene, Lidzira lya mwi kereke lyaku ncharuka pakati, mi lyuvu lyaku nyangasa, mi indi mawe ngaku qxataka. ⁵² Zimbazi zaku yazuka, mi mimbiri ababa chena bara ranzire baku tambuka. ⁵³ Bakuzwa mwi zimba ku tambuka, baku njena mu mirenanyi, kuli mwana haza ku babenji. ⁵⁴ Papa ibararana po indi baru ku wuha Jeso pubaru ku mwana ku nyanya ku lyuvu indi izuto zara sisini, baku ywapa baku tikya, "Injhamu yopani kali mwana Urezya." ⁵⁵ Barwakazi bata kara qama Jeso kuzwa Galilea kumu fwera

zutsuma bara yimine shire sana.⁵⁶ Pubapa pwarana Maria Magadelena, Maria nyina Jakowo indi Josefa, mi indi nyina abana ba Zebedia.⁵⁷ Pumaxuhumu ngaru kuya, kwaru kuya murwa yo mufumu kuzwa Arimatea, kuru kuberwa Josefa, ikali muraqama a Jeso.⁵⁸ Akuya ku Pilato indi kuya ku rungira shutupu sha Jeso. Pilato aku tikya shipewe kukye.⁵⁹ Josefa akuyisa shutupu, aku shuputira mulyi dzura li line,⁶⁰ mi aka shibika mwi mbazi akye yi piya yamata panga pulyuwe. Aku rabelira po lyuwe lyeli kuru pu mumbero mi aka kyita.⁶¹ Maria Magdalena indi Maria yuyumwe kubarana, bara sisine kuru pati lyi mbazi.⁶² I lyati lyiba, kuzwa ku lyiba lyikuli bbakaña, ma pirisita baba kuru indi ba falisi baka shangene ku pilato.⁶³ Baku tikya, "Yo mukuru, Tati yanakana mufu pukara chire kufwa, mata tikya, 'Mu mayiba atatu shandi tambuke nangweza.'"⁶⁴ Baku tikya i mbazi yamame ruwe kutwara lyiba lyu wune, taba rutiwa bakye bakuya ku muyiba mi baku tikya ku bayeyi, 'Matambuka kubafu,' mi zita fosu mbezibe zezibbi kubba zitanzi."⁶⁵ Pirato aku tikya ku kyee. "Ni yise bagatelyi. Nakwenda nika pange munati kwena komo."⁶⁶ Baka kyita kuka raqawu-qawu i mbazi, nika bikepo lyuwe mi indi ka bikapo bati lyaya po.

Chapter 28

¹ Maxuhumu rwi Sabata, kushera ku lyiba lyithanzyi lyi viki, Maria Magadalena indi Maria yuyumwe bakuya kuku mwana imbzi. ² Nimwene, kwarana izi kinyeho yi kuru, mi lyinyiroi lwa Shikati lyata kadzwa ku lyiuro, kuya kurawura lyiwe, lyaku sikama palyo. ³ Karu ku mwanahara ku mwenika, mi ziraro zakye kalyi zuhwe twaaa. ⁴ Baruku mamera baku ywapa bakuba tandi bayeyi babfu. ⁵ Lyinyiroi lyaku hweta ku barwakazi atikya, "Nisiye ku ywapa, ndiyi zire atikya nati shaka Jeso, yamata bambwa." ⁶ Kukuye kuni, kono matambuka, tandi shamata hweta. Nakuya ni mwene pu Shikati karana nzyire. ⁷ Ni shukye papani ngaho nika zire barutiwa bakye, 'Matambuka ku bafu. Ni mwene, makyiti kuwuso ko Galilea. Nduku shani kamu mwena.' Ni mwene, Ndani ziri." ⁸ Barwakazi papa ngaho baku siya imbzi shuku ywapa indi kwi dze, kutiya kuka zira barutiwa bakye, ⁹ Ni mwene, Jeso akuba shangana aku tikya, "Nakotuka!" Barwakazi bakuya, pumakondo akye ku murapera. ¹⁰ Mi Jeso aku tikya kuwo, "Ni siye ku ywapa. Nakwenda nika zire bakuru banga bakwenda ko Galilea. Kopa shabaka ndimwene." ¹¹ Papa barwakazi pubaru kwenda, ni mwene, baru ku mamera ba bamwe baka tikya ku murenefi ka zira ma purisita ba bakuru izuto za panga hara kozo. ¹² Pu ma purisita pubaru ka lyishanganisa ni bakuru ka hweta zitaba nawo, bakupa marwapa ngamenji masole. ¹³ mi baku bazira, Atikya, 'Jeso' barutiwa baya masuku kuya kuyiba shutupu shakye pubaru ku kwama. ¹⁴ Ati ipiho yopani yati kaya ku muyendisi, mboti mususuwe kukusa zibbiraera kokunwe." ¹⁵ Mi masole bakuyisa marwapa mi ba karasi tandi shuba zirwa. Ipiho yopani ya kwenda koko ku dzera kuwuso mu ma Juda. ¹⁶ Kono barutiwa wu lyikumi indi muxiki baka tita ko Galileya, kwi kambamo ku Jeso amata bazira. ¹⁷ Pubaru ku mu mwana, barukumu rapera, kono babamwe kabaru ku tishira. ¹⁸ Jeso akuya kuwo indi ku hweta nawo atikya, "Koyo iqumu yata pewa kumye mu lyiuro indi mulyuvu. ¹⁹ Akwenda cware nika pange barutiwa mu lyuvu. Ni bakoro beze mu lyina lya Taty, u Mwana, indi Mupupo wo Muchena. ²⁰ Ni barutye izuto zindata nizira. Ni mwene, ndina nanwe kakanda koko, nanga iku mamenisizi ulyuvu."